

2



帶經堂詩話

上海掃葉山房  
石印 第二冊



帶經堂詩話卷六

總集門三

題識類

海鹽胡孝轅震唐詩統籤戊集二百一卷皆晚唐五代人詩孝轅撰統籤起甲訖癸

凡千餘卷未盡刻梓此其什一也并錄一

分廿餘話海鹽胡孝轅輯唐詩統籤自甲迄癸凡千餘卷卷帙浩汗久未版行余僅見其  
癸籤一部耳康熙四十四年上命購其全書令織造府兼理鹽課通政使曹寅鳩

工刻於廣陵胡氏遺書幸不湮沒然版藏內府人間亦無從而見之也

宗柎附識吾鄉前輩在明神廟時推孝轅先生為博雅第一儲藏古籍與鄭端簡  
公均遺編流轉印記宛然愚少時尚及觀其一二今盡散入雲煙過眼錄中矣先  
生集名赤城山人藁墓在平駕橋西北距余居甚近嘗借羣季  
裴襄邱瓏間惟餘草木蕭疎溪流滌繞不勝風騷歎絕之感云

慈仁寺故書攤買得二曹詩集各三卷唐詩人鄴唐二曹也一臨桂人一陽朔人皆

西粵產有蔣文定公冕序文定亦粵全州產此集謝肇淛在杭刊于桂林曹學佺能

始序之

唐周曇詠史絕句上下二卷起唐虞訖隋凡二百首每首有論斷綴詩後詞旨陳腐

亦胡曾之流也曇不知何時何許人全唐詩話唐詩紀事皆不列其姓名此集乃未



漁洋山人



中項藥師寫本

僧齊已白蓮集十卷風騷旨格一卷有孫光憲序嘉靖己丑柳僉跋云元書北宋刻傳世既久湮滅首卷數字當俟善本補完與皎然貫休三集並傳之常熟馮班鈔本

己上居易錄并錄一

香祖筆記東坡志林云唐末五代文章衰盡詩有貫休齊已書有亞棲村俗之氣大略相似此論固然齊已白蓮集至今尚傳余嘗見海虞馮氏寫本篇帙完好略無闕佚

文章流傳信有命乎

宗柘附識居易錄唐黃御史滔刻集八卷賦一卷詩三卷碑誌記序戕啟雜文四

卷附錄一卷首有楊誠齋洪容齋二序滔熙四年渝州謝諤序唐統文志云黃

集十五卷又泉山秀句三十卷此集初名東家編略宋紹興丙子尚書考功員外

郎黃公度撰誌滔之八世孫也又池北偶談唐本笠澤叢書四卷以甲乙丙丁為

次前有自序及江湖散人傳後有宋政和元年毘陵朱叢序乃江西士大夫家舊本

黃俞卨得之金陵餅肆中自跋云魯望手編唐本古雅殊可寶惜予舊藏皮襲

美不載十卷有襲美唐序宋柳開仲塗序亦皮所自編也凡松陵倡和集詩二編

俱不載又香祖筆記唐史州刺史呂溫集十卷詩張始興畫像贊及詩中三受降

贊頌等時有奇逸之氣衡州銘名皆溫傳者惟武侯廟獨免于禍與實羣羊士

錫柳宗元亟稱之溫亦文之碑黨入司馬之貶以使吐蕃獨免于此愚按唐宋人

集近指數所及不涉詩話者附此三條以著大略俾嗜古籍者有考焉  
宋岳亦齋所著書有程史愧郊錄金院粹編各若干卷其詩名玉楮集者余夙昔聞之而未見康熙乙卯春二月與張子杞園同客青州每獲秘本輒共欣賞此書其一

也集中贈李微之秘監詩自注云微之以史館牒來索予所撰東隱筆略云云亦不及見不知尚傳於世否俟更訪之漁洋文

附錄居易錄宋岳珂肅之玉楮集八卷有嘉熙庚子自序肅之鄆忠武王孫官戶部侍郎此集乃衛府高唐王家鈔本流傳絕少

宋楊億錢唯演劉筠西崑酬唱集凡五七言律詩二百四十七首屬和者十五人有楊文公自序和者翰林學士李宗諤戶部員外郎直集賢院李維著作佐郎直史館陳越工部員外郎直集賢院劉薦樞密直學士丁謂駕部員外郎直祕閣刁衍太常丞直集賢院任隨樞密直學士張詠恩州刺史錢唯濟職方員外郎祕閣校理監舒州靈仙觀舒雅翰林學士晁迥左司諫直史館崔遵度右諫議大夫薛映缺秉已上止十四人乘厓英雄道院禪寂以及鶴相皆仿此體然皆不及居易錄三公之神到居易錄有也字無下文予觀文忠烈趙清獻二公集律詩皆擬崑體甚工而石介作怪論三篇獨苛于文公何歟并錄一

蠶尾宋翰林學士楊億大年武夸新集二十卷景德丁未大年在翰林所自編定也

詩五卷雜文十五卷閩謝在杭寫本大年以西崑體擅名宋初其詩在同時錢劉諸公之上攬其全集警策絕少亦見居易錄

韓子蒼詩為諸家詩話所取者如汴水日馳三百里落日同騎款段遊二首最佳項借陵陽集急披讀之燭跋卷亦盡佳處乃無過此或曰子蒼不樂居江西宗派中云

我自學古人未必然也涪翁正法眼藏渠易夢見

郭祥正青山集闕謝氏寫本六卷古詩二卷近體詩四卷七言歌行僅二篇或有闕文也祥正多與王安石倡和之作而集中不及蘇黃一字李端叔晚居姑熟與祥正有隙至為詩相排詆最力益各有所主也方安石當國祥正上言請以天下計專聽相公區畫罷一切異議者其人可知已已上蠶尾文 并錄一

蠶尾續文墨客揮犀云王荆公過金山寺壁間得一絕句反復諷詠間知為郭公甫所作由此見重尤愛其兩句云鳥飛不盡暮天碧漁歌忽斷蘆花風又題山居云謝家莊上無多景只有黃鸝三兩聲荆公命繪為圖自題其上以金酒鍾并圖遺之予謂此四句亦無足取介甫事事與人異趣此亦可見

宗柩案宋詩存謂功父為安石所詆蓋功父知武岡縣發書保信軍節度判官時奉乞天下大計專聽安石處畫安石恥為小臣所薦因極口詆其無行爾余訪滄浪先生吟卷積有歲年康熙戊申始得宋刻于亡友程太史翼蒼一則幸夙願之頡頏一則感故人之新逝秋窗篝火展卷愜然

先生不喜妙悟之論公一生病痛正坐此然儀卿詩實有刻舟之誚高新宜亦然大抵知及之而才不逮云是歲重陽前一日記於京邸

徐節孝先生集三十卷附錄二卷其文率拙而碎殊不成章詩尤多笑柄坡公志林謂如玉川子益微詞也惟江端禮子和所錄問答語一卷多可觀然仲車獨行其人

在仕隱間不必以詩文重也已上蠶尾續文

婺源黃昌刻宋范石湖詩集二十卷中多闕文吳郡門人顧嗣協迂客亦刻石湖集摹

宋板最工後村云石湖詩三十四卷今顧刻卷數正合并錄一

居易顧迂客貽所刊范石湖集有楊誠齋陸放翁二序凡詩三十三卷楚詞古賦一

卷合三十四卷金侃亦陶寫校宋板本也亦陶老友明俊孝章子

朱檢討彝竹垞貽所刻十家宮詞為倪檢討案雁園家宋刻本唐陝州司馬王建蜀

花蕊夫人石晉丞相和凝宋宣和御製丞相王珪珪子仲修學士宋白中大夫張公

庠直祕閣周彥質又胡偉集句凡十家

宋華岳集十一卷名翠微南征錄第一卷開禧元年前上皇帝書請誅韓侂胄蘇師旦

語最伉直餘詩十卷率麓豪無足錄蠶尾文作率其蠶尾文上侂胄詩云十廟英靈

儼如在漫于宗社作穿窬及誅侂胄議函首請和又有詩云反漢須知為朝錯成秦

恐不在於期皆不肯附和浮議蓋陳東一流人也然曹瞞不殺禰衡而黃祖殺之侂

胄不殺岳而史彌遠殺之彌遠又出侂胄下矣如岳詩不以工拙論可也吳興掌故

云翠微集華廉字仲清著不知何據

吳越備史五卷武勝軍節度掌書記范垌節度巡官林禹撰事止忠懿王俶戊辰年

又補遺一卷明兵部尚書王遴序予著五代詩話頗刺取之亦見蠶尾文

宋陳洎亞之詩一卷僅二十五首有顏復長道序司馬文正公文忠文定二蘇公孫  
莘老徐仲車及長樂林希陳留張徽南蘭陵錢世雄眉山李璣皆跋其後又嘉定丙  
子眉山任希夸題詩云如彼流泉必有源陳家詩律自專門后山得法因鹽鐵不減  
唐時杜審言亞之師仲師道之祖也 并錄一

池北偶談猗覺寮記云陳后山平生尊黃山谷末年乃云向來一瓣香敬為曾南豐人或  
疑之非也無已少學文於子固後學詩於魯直各有師承是詩 六觀究文忠公 又有句

云世雖嫡孫行名在惡子中又與林秀州書云有聞於南豐先生不敢不勉答晁深

之書云始僕以文見南豐辱賜以教 云云 又妾薄命二篇至有殺身以相從之語自注

為曾南豐作其推尊至矣至答秦觀書云僕於詩初無師法一見黃豫章盡焚其橐

而學焉其自叙源流甚明白惟於兩蘇公雖在及門六子之列而其言殊不然其答

李端叔書云兩公之門有客四人黃魯直秦少游晁無咎長公之客也張文潛少公

之客也言外自寓倔強之意此則不可解耳

劉克莊後村大全集六十卷自四十六卷已後皆詩話詩餘無詩 無詩二字 有晉安

謝氏家藏圖書印謝在杭鈔本也首有林希逸二序後村在宋末號文章大家其詩

予別有論說此集中題跋詩話最佳詩話新集多據中晚唐人詩無所取裁可刪也

宗柙附識此條後段後村論楊雄劇秦美新及作元后誅言天之所廢人不敢支

歷世運移屬在新聖云云蔡邕代作羣臣上表言卓黜廢頑由援立聖哲云云又

宗柙附識此條後段後村論楊雄劇秦美新及作元后誅言天之所廢人不敢支

論阮籍跌宕棄禮法晚為勸進表志行掃地辭嚴義正然其賀賈相啟略云像畫  
雲臺令漢家九鼎之重手扶日穀措天下泰山之安昔茂宏數邱墟百年孔明欲  
官勇退則眉攢杜陵老此志公允踐于斯言賀賈太師復相云孤忠貫日隻手擎天  
聞地聚眾芳豈本朝無官可觀爰周武鄉之虛位有謀則就所謂不召之臣談詞論  
散連章累牘于真似道為伊愛峻久虛之比哉抑南園二記覆轍而不自覺耶按  
後村作此時年已八十惜哉竊謂山陰氏作閱古園二記覆轍而不自覺耶按  
至修云南園之記惟勉以忠獻事業無諛詞無侈言放翁未嘗為韓辱也又王學憲  
間何為者耶山此段似似詞章家錢石愚故  
具錄之以眎世之文自負名節為輕者

天地間集一卷宋謝翱臯父編自文信國及家鉉翁文及翁謝疊山鄭協榮望徐直  
方何新之王仲素謝鑰陸脛何天定王曼之范協吳子文韓竹坡林景怡凡十七  
人詩僅二十首按宋文憲公作臯羽傳天地間集五卷此太寥寥即臯羽之友如吳  
思齋翁登仇遠之屬皆無一字當是不完之書也附晞髮道人近集一卷詩四十八  
首刻畫晚唐酸澀無足錄惟山帶去年雪春來何處峯一聯差佳豈才盡耶抑刪去  
之詩而後人揄拾之者耶

宗棟附識陸脛之脛字書不載按宋本玉  
篇脛字下注云籀文璿字或是此字之誤

宋唐庚子西子鬻尾文無眉山集二十四卷詩賦十卷雜文十二卷三國雜事二卷庚  
自說鬻尾文云詩最難事也鬻尾文吾於他文不至蹇澀惟作詩甚苦悲吟累日始  
能成篇予錄其古今詩為二卷庚生三蘇之鄉又前後與東坡賤惠州而集中無一



字及之蓋庚起家為張商英所薦其敗惠州亦以商英連染視韓子蒼異趣蠶尾文有矣字

宜其不為眉山之徒歟

附錄居易錄予讀唐庚集嘗薄其為人其說亦著之前卷王弱生曰唐子西議論文章皆蘇氏緒論顧以黨禁方嚴而子西又附張商英以進其著作多不及蘇氏止題巢元修傳及之大致譏敗上蔡司空書論當世文學之士止言尹師魯王深甫其趨時也如此然亦何救於敗論哉此論亦與予言若合符節所謂三代直道也

門人莆田林禮部麟焜石來寄林艾山光朝林網山亦之陳樂軒藻林廡齋希逸四

先生詩鈔艾山與朱子同時講學有重名稱南夫子網山其高第弟子樂軒又網山

高弟也廡齋與後村同時予曾見所著三子口義此鈔甚略然艾山已下皆以道學

相授受風雅非所究心也

附錄此條後段艾山文鈔一卷其族孫兆珂所刻云是鄭山齋本僅二三十篇又多表歲祭文不足見其所長後村稱其文高迫檀弓平亦驅韓固過情之論要是南宋一作予昔從黃虞稷俞帥借觀全集未及鈔錄至今抱憾集中有與王宣子書云讀書如飲啖一日不得食便如此空茶三朝五日或不近書卷虧耗不少是真讀書人語又云海中山名眉洲隔岸視之約五七里許一水可到有千家無一人讀書亦有田數十頃可耕可食魚米極易辦可以卜室讀書隔絕人世無賓客書尺之擾令人髮髯想像其處如桃花源也兆珂號博雅所著多識編宙合編檀弓述注等書傳于世

鄒忠公浩道鄉集四十卷其子柄相所編有李忠定公序邵文莊寶蠶尾文後序正無寶字

德七年壬申重刊本也先生受學程門而特嗜禪理詩文多宗門語居衡昭時古詩

時蠶尾文似樂天有處字格詩深穩與葉石林工力相敵北宋之雄也零陵有市戶

呂絢者嘗以錢二百萬造大舟以俟先生後北歸蠶尾文後呂以舟送至江南先

生謝以五絕句云平生親友漫紛紛有幾書來寂寞濱二十萬錢捐不惜可憐湖外  
有斯人瀟湘起枕出江湖日日乾坤展畫圖白酒紅魚對妻子鵠夸還似此行無若  
絢者抑何可使其無聞哉

附錄此條中段道鄉立朝大節在諫立劉后論章惇二事其立后疏古今仰之如  
泰山北斗勅章惇三疏其二云元祐是其言甚力且躋惇於元祐君子之列其言  
元祐初試斥先帝保甲之法云云則非是董猶不分且躋惇於元祐君子之列其言  
者概從竄逐惟惇久置不問云云則非是董猶不分且躋惇於元祐君子之列其言  
碑矣無怪蔡京立黨人而惇倖竄名其末也

洪文惠造盤洲集十三卷有詩無文按經籍志集八十卷此非其全也文惠與弟文

安遵文敏邁同登館閣文名滿天下號稱三洪時朋芻艾兄弟亦稱三洪而功名爵

位遠不及蠶尾文無已此集十卷以下皆挽歌樂章詩餘無足錄八卷九卷皆雜詠

盤洲山水草木擬李衛公平泉諸詠紫薇云十年三雁序接翅紫薇垣蠶尾文無已

史稱其家居十六年兄弟鼎立以著述吟詠自樂猶蠶尾文無已可想見其盛也其父忠

宣公松漠紀聞及景伯隸釋景巖泉志景盧容齋五筆夸堅志唐人萬首絕句今皆

傳於世

鄭清之安晚集六十卷茲本僅古近蠶尾文體詩第六卷至第十二卷殘缺多矣詩

多禪語清之相理宗召還真西山魏鶴山諸君子時號小元祐亦蠶尾文南渡賢宰

執也無亦字

宋牧仲中丞自吳中鈔寄洪炎玉父西渡集僅一卷考焦氏經籍志玉父西渡集一卷與此本合然編首題卷第一又似不全之書何也坐上呈師川有懷駒父七律所云欣逢白鶴歸華表更想黃能出羽淵正在集中其詩局促去豫章殊遠又經籍志載洪芻駒父老圃集洪朋龜父清非集皆止一卷此本牧仲鈔之醫士陸其清家

陸右丞臨海錄一卷京口丁元吉撰首宋史陸秀夫列傳次熊開傳次輓詩有龔序五言方回曾微一坏土魚腹葬君臣龍仁夫無地參黃鉞終天慘玉衣仇遠甘抱白日沒不知滄海深方鳳翥

蠶尾續文作蠶

背舟中國龍胡水底天七言湯炳龍人心自感興

元詔天意難同建武時盛彪平地已無行在所丹心猶數中興年數聯最警策

已上唐易錄

宋二謝無逸逸幼槃適皆江西詩派中人潘邠老亦派中人也幼槃竹友集云邠老嘗作詩云滿城風雨近重陽邠老亡後無逸兄用此句足成四篇今去重陽只數日風雨不止淒然有懷作二絕句念泉下二人不再作不覺流涕覆面詩云地下修文兩玉人清詩傳世墨猶新卻因風雨重陽近獨立蒼茫淚一巾阿兄溫潤玉介導我友澹薄朱絲絃只疑蟬蛻游人世醉插茱萸若箇邊邠老詩句至今藝苑流傳為重陽口實而二詩同時有詩迄無知者因識之續

蠶尾續文作緒

成一則詩話亦使邠老不寂寞也集十卷詩七卷雜文三卷文雅潔楚楚有法度不減其詩

宋張孝祥于湖集僅四卷門人謝堯仁弟華文閣直學士孝伯序之于湖紹興甲戌  
狀元高宗謂為謫仙人天性倜儻勇于為義真西山目蠶尾續于湖生平雖跌宕至  
于大綱大節續文處直是不放過每作為詩文輒問門人視東坡何如而堯仁謂其  
水車詩活脫是東坡然較蘇氏畫佛入滅次韻水官韓幹畫馬等數篇尚有一二分  
劣又謂以先生筆勢讀書不十年吞東坡有餘矣觀集中詩亦是學步江西尚未到  
后山境界遠欲上擬坡公妄矣在南渡之初亦下放翁遠甚已上香祖筆記

附錄池北偶談宋李之儀端叔姑溪文集五卷題跋一卷詩十一卷銘贊一卷表啟書  
四卷雜書一卷後集二十卷古賦詩十三卷記二卷題跋一卷詩十一卷銘贊一卷表啟書  
端叔蘇門跋自是勝場又云蘇軾詩集蘇軾詩集蘇軾詩集蘇軾詩集蘇軾詩集蘇軾詩集  
遠甚然蘇門跋自是勝場又云蘇軾詩集蘇軾詩集蘇軾詩集蘇軾詩集蘇軾詩集蘇軾詩集  
詩八卷蘇美集十五卷歐陽文忠公為之首序子美在實元卷有南宋施元之跋  
章云蘇美集十五卷歐陽文忠公為之首序子美在實元卷有南宋施元之跋  
因碑鏤板於三月已得尚書汪公聖錫所藏豫章先生詩此而近時亦有見之  
方乾道辛卯六月卷已得尚書汪公聖錫所藏豫章先生詩此而近時亦有見之  
所釋宋刻錄也守道最折服卷柳聖序又云宋石介守道錄表觀石門吳詩卷辨說  
見其文強五卷附唐風較勝柳聖序又云宋石介守道錄表觀石門吳詩卷辨說  
河東文集十卷強五卷附唐風較勝柳聖序又云宋石介守道錄表觀石門吳詩卷辨說  
過魏東郊詩十五卷擬之軀狀一門人柳聖序又云宋石介守道錄表觀石門吳詩卷辨說  
所自述與補亡先生傳皆載集類詩二卷又速固編其文殊為不倫道極野尊仲望  
治中刻之金陵又拘傳亦與開集類詩二卷又速固編其文殊為不倫道極野尊仲望  
涉之漢高耳州禪居易錄古靈集類詩二卷又速固編其文殊為不倫道極野尊仲望  
本述古熙寧知贛州在講筵論薦司馬溫公一卷附宋樞密直學士陳襄述古卷謝氏寫  
公

帶經堂詩話 卷六 題識 六 掃葉山房石印

元貢奎仲章雲林詩集境地未能深造歌行間工發端而窘于邊幅視同時虞伯生范德機亦諸侯之附庸也有三山陳澧序草廬吳澄書後凡六卷

元金履祥吉父仁山集二卷董遵所編仁山道學不工詩而廣箕子操一篇特工云炎方之將大地之洋波湯湯翠華重省方獨立回天天無光此志未就死矣死南荒不作田橫橫來者王不作幼安歸死其鄉欲作孔明無地空翔翔惟餘箕子仁賢之意留滄茫穹壤無窮此恨長千世萬世聞者徒悲傷吳師道跋云宋末為相者曾聘先生館中先生以竒策干之不果用而去先生感激舊知後為賦此辭旨悲慨音節高古真竒作也此操似為陳宜中而作

元張伯涇養蒙集十卷鄧文原虞集序之詩歌雜文皆膚淺不工伯涇官翰林侍講學士謚文穆趙子昂之內兄也

天台山人黃庚星父漫索一卷詩庸下無足觀多館山陰王修竹之作謝臯父林霽山輩皆修竹客蓋同時人也修竹名英孫

邨秋堂集二卷至五卷殘本內府書也詩古今體皆淺俚不成家亦不知其名字何許人卷中有與鮮于伯機倡和詩

宣極先生詩四卷元吳人陳深子微著殊淺劣深生宋末天歷中奎章閣以能書薦不赴有讀易詩春秋諸編集中濟南趙君成南使羈留三紀得還其猶子求詩一絕

云三十六回秋月明年望斷雁南征蘇郎白首還鄉去愧殺當時李少卿趙不詳何許人錄之以備吾郡故事子卿稱蘇郎頗似杜撰

元仇遠字仁近興觀詩集有牟嶽方鳳二序俞希魯蘇霖王洪胡儼瞿佑諸人跋尾

此集仁近手錄以贈盛元仁者僅律詩三十八首又書贈士瞻上人律詩十首皆釋

子題跋道行其一也別有三十首亦皆近體仇號山村南宋遺老有詩名格調靡靡

遠在趙子昂之下閨妃園池春日田園雜興此詩見月泉吟社石屋洞數首差可觀仁近有

句云咸平處士真堪羨死守梅花住裏湖有味乎其言之也

宗柝附識兄寒坪云近歛人項夢景刻仇山村遺集四言一首五古七首七古十首五律十二首七律八十首七絕三十六首六絕一首未附遺句又詞四首序文

一題跋三前有方鳳年獻表元三序後附錄元明諸公贈和詩章并題跋項作

後序云山村有金淵集久已散佚世所傳興觀集山村遺橐皆從手書真蹟抄得

非完本也

金蘭集三卷元蘇人徐達左良夫輯其友朋贈答之詩王行止仲序之良夫居光福

山中自號耕漁子元末如周伯琦高啟鄭元祐倪瓚張雨仇機沙諸名勝皆在不減

雅集

林外野言二卷元崑山郭翼所著詩翼字熙仲與楊廉夫顧阿瑛倡和風氣亦頗相

類

王紱五端友石先生集有曾榮王璉二序按孟端為人狂簡今集中詩多卑弱蕭灑

不如倪元鎮沉鬱不如王原吉磊砢不如孫大雅差與浦長源伯仲耳已上居易錄

梧溪集七卷景泰七年南康府知府陳敏政重刻陳作靈尾續後序集首有至正間

周伯琦汪澤民二序序言原吉初學詩于延陵陳虞卿虞卿與柯敬仲俱事虞邵菴

得其傳與有元盛時楊范諸公齊驅惜未著其名俟載考之香祖筆記

附錄居易錄某編五卷起甲訖戊元東平王士點繼志著虞集歐陽元序士點翰

林學士承旨諡文康鷄子士熙繼學最以各文著名士點其兄弟也又香祖筆記

元吳師道禮部集二十卷詩九卷雜文十一卷師道金華蘭谿人與許白雲請明

金仁山之學而與黃晉仰潛柳道傳貫為友故其學問文章遠有統緒時稱其為

文清勁善持論友人朱簡計竹垞常稱之此本乃崑山徐少宰果亭秉義又鬻尾

貽者吳至治辛酉進士任止國子博士致仕加禮部郎中故集禮部云又鬻尾

續文近自全華刻元陳燕鹿皮子集十五首為一卷詩三卷卷首載宋文憲公所

撰墓銘董有順序佳又云原

刻有慈溪周旋序佚去不載

于慎言文定公慎行之兄也十七舉省魁自平涼省親歸渡河前舟皆溺舟人恐慎

言瞑目危坐不動舟竟無恙舟中人羅拜曰郎君貴人也是年中省試慎言工于詩

篆隸皆臻妙境所著龐眉生集予家有之皇華紀聞 并錄一

漁洋詩話東阿于慎思號龐眉生文定公慎行之兄詩才情過文定尤工古賦年始弱冠

天卒有龐眉生集若干卷

王文成公龍岡漫興詩墨迹一卷居龍場時所書讀此五章其居易俟命之意猶可

想見鬻尾文 并錄一

居易錄

王文成公龍岡漫興詩墨迹一卷益公謫龍場驛時所書其首章云投荒萬里入炎州卻喜官閑得自由心在夸居何有陋身雖吏隱未忘憂春山卉服時相問雪塞籃輿每獨遊擬把犁鉏從許子漫將弦誦比言游益公平生之學得力於龍場時居多觀卷中五章可想見其無入不自得之樂文成書道勁似山谷

許左史殿卿少與滄溟倡和齊名鄉曲今梁園正續集詩殊不足當滄溟下駟何也宏正間歷下有劉天民希尹者官吏部郎同時視邊尚書華泉稍後其詩古選實勝邊特近體不逮耳而左史獨擅名者則以滄溟弇州輩張之也名詎足盡信哉  
鳴盛集三卷廣陵門人殷彥來譽慶自閩中手鈔寄余集為明初林鴻子羽著其同郡邠銅編刻徐焯家藏本銅作後序成化三年丁亥歲也卷首有劉尚書崧吳興倪桓二序

宗柎按古夫于亭雜錄及蠶尾續文再跋邠銅所編鳴盛集俱作四卷此云三卷誤也又如漁洋詩話龐眉生名慎言作慎思未敢臆改姑仍元刻餘仿此

曹縣王叔武交李獻吉即墨蘭疑當玉父交楊用修弇州藝苑卮言皆及之顧其詩皆不能成家玉父白齋集門人楊進士所貽也玉父名田嘉靖中御史以疏劾席文襄書罷歸遂不起叔武名崇文官副都御史

節之詩天才奇恣元刻載之備矣後屬唐耕塢鄧孝威重刻于海陵刪其拗句拗字不合者不為無功然本色亦稍減矣即此本是也仍題數語以詠識者已上蠶尾續文



新都秀運集二卷嘉靖間歛人王寅仲房所輯歛令門人靳治荆熊封重刻之意倣唐人興間氣集惜成家者寥寥又雜出商賈之流無足觀者靳又嘗刻王太冲宗

熙梨洲集金陵鄭谷口簾頃寄其石柱看梅詩卷十絕句熊封又介予友曹員外升

六貞寄其詩數百篇請予論次風流好事如此非俗吏也今遷知固原州居易錄

宗棟附識靜志居詩話仲房少走大梁問詩于獻吉不遇遂從少林僧習兵法海上用兵依胡尚書督府尚書不能用竟以敗晚緝鄉人之詩曰新都秀運集其持

論頗偏與岳東伯今雨瑤華相類

袁海叟詩集若干卷康熙壬午雲間門人周庶常彙策銘所寄鈔本用羅紋箋寫之

甚工有大復空同二序陸儼山序又董宜陽題編首謂海叟手定國初刻于張氏者

久燬儼山編次為別本而陸序云海叟集舊有刻又別有選行在野集者暇日與獻

吉共讀之又刪次為今集云

楊孟載手錄眉菴詩集五大冊雖書法未為當家然先哲故物可寶惜也每幅有子

京墨林項叔子琴書清暇等印益禾中項氏藏本也卷首自識行末有業字號三字

云余自離吳門未嘗作詩間有所述不復存彙邇來西江意或得追理舊業而案牘

山積雖罷竭鈍猶不及十之二矧從容筆硯間哉固知有愧干穆之也冬十一月

宜春侯上猶臨江冬字一候字一勾下余奉省檄執雁謁軍門修聘禮自已未至丙

寅往返者八月蠶尾續文作日凡目所親身所歷念慮所思得短章五七言古律絕句四十

首如春山早鶯初出深谷舌強語澀殊不成音欲棄置水中復念余友方君以常每以不得見舊稟為憾姑存此以貽方君君長于詩尤工唐人五言續文無與字余友張

羽來儀為倡和友云吳人楊基識後書五言一篇云續文止今夕復何夕今夕復何夕夢

我生平友握手無所言但道別離久覺來聞秋蟲空堂竟何有不知千里道君魂果

來否當年亦如夢聚散一回首起坐誰與親鐘鳴月穿牖其詩分體不分卷凡若干

首不止序所云奉使四十首也按孟載始以薦為江西行者幕官此蓋江西時所自

書首卷起寓懷十二首與今本同但今本作感懷耳續文有方君不按續文無眉菴

集中有秋日續文無日字懷方員外詩張靜居集亦有元日雪懷方員外以常送方員外

歸吳興詩所云晴春入舊臘積雪含清暉是也方益吳興人王徵士集四卷都少卿

元敬所定有元敬及浦呆序徵士名彙字常宗又號媯雌子或以為吳中四傑之一

以常宗代張蠶尾續文有羽字來儀者今觀其詩歌行擬李賀溫庭筠殊墮惡道餘體亦不

能佳詎能續文作可與高楊頡頏上下乎固知高楊徐王之說誕而無徵矣此本嘉定門

人陸廷燦扶照所刻

梁園風雅明雍印趙彥復微生臨清汪元范明生所撰自李獻吉何仲默王子衡高

子業以下凡八人義例嚴潔予嘗勸宋中丞牧仲合劉欽謨中州文表刻之吳中以

備河南文獻乙酉六月適寄到風雅新刻本乃嘉定門人陸廷燦較刊者予笑謂座

客曰吾為朋友謀則善矣吾鄉文獻乃聽其放失可乎故嘗欲輯海右六郡前輩作  
者遺集五十家斷自洪永已來如許襄敏彬黃忠宣福秦襄毅紘馬文簡愉劉文和

珮毛文簡紀鬢尾續文劉與毛前後互異王叔武宗文新兩城學顏藍田玉夫殷近夫雲霄穆文

簡孔暉邊尚書貢劉希尹天民許尚書成名王文定道殷文莊士儻馮閻山裕子續文

無子汝強唯健汝行唯敏汝言唯訥李滄溟攀龍李伯承先芳蘇侍郎祐二子冲澹

原本無此四字後繼光下有子冲澹四字疑有錯誤此從鬢尾續文本楊太宰巍劉範東隅吳太宰嶽臧少保繼光龔

方洲秉德于文定慎行兄麗眉生慎言郭魯川本傳金沙光宅于念東若瀛李愚谷

舜臣李中麓開先邢子愿侗公文介彙弟舉人浮來鼎馮文敏琦鍾尚書羽正謝茂

秦榛許殿卿邦才續文有王岱如濬弟補之衮八字從叔祖伯石象艮季木象春高孩之出鄒養浩

頤賢先伯父侍御府君與允盧德水世濯王湘客若之續文有王太平遵坦五字劉節之孔和張

元明光啟徐東癡夜董樵谷樵續文有姜如農珠如須坡趙士詒伯濬十二字輩擷其菁華都為一集守官

京師四十餘載匆匆未暇今歸田矣而髦及之耳目神理非復故吾不知斯志能終

遂焉否也聊志此以俟他日乙酉六月廿二日西堂書 己上香祖筆記

新安吳兆非熊程嘉燧孟陽皆以布衣稱詩有名萬厯啟正間吳五言學謝眺何遜

程七言律最多名句七言絕句尤佳門人汪扶晨徵遠汪于鼎洪度請余選定為新

安二布衣詩二君之後當以石湖邢昉為第一門人孫郎中謙請余定其全詩因循

安二布衣詩二君之後當以石湖邢昉為第一門人孫郎中謙請余定其全詩因循

未果而江南已有刻本然未經刊定余至今以為憾漁洋詩話 并錄一

蠶尾續文昔論明布衣詩推吳非熊程孟陽嘗反復二家之詩吳五言源出謝宣城何水

部意得處時時近之程七言近體學劉文房韓君平清辭麗句神韻獨絕七言絕句

出入於夢得牧之義山之間不名一家時詣妙境歌行刻畫東坡如桓元子似劉越

石無所不憾大抵吳以五言擅揚七言自秦淮鬪草篇外頗無可采程以七言擅場

古體不逮今體此其大略也

高邑趙忠毅公南星高陽孫文正公宗承皆北方之偉人天下望之如泰山北斗二公集

皆吳橋范文貞公景文刻於金陵予兒啟訪官畿南屬購二集僅得忠毅公集十四卷

已軼其半有公之子清衡印記蓋其家藏本也公詩長於古選頗有法度而又能自

見其才思惜近體軼不可見

附錄此條後段忠毅文尤長於碑版如孫清簡公鐘王公述古張公主敬諸誌銘

吳公中行傳李公化龍魏公允貞顧公憲成諸碑於國是之是非人才之枉直痛

切言之可裨信史公稱其文涵涵莽莽翰馬塊壘而起伏頓挫不能稟合古

法要其雄健磊落奔軼絕塵北方之學者未能或之先也予謂讀其文居然有壁

立萬仞之概

王虎谷集詩文皆未成家然一時名流如石邦彥喬白巖儲柴墟邵二泉王陽明韓

苑洛五泉皆與倡和蠶尾續文有亦

附錄此條前段正德中給事中屈銓祭酒王雲鳳先後疏請刊定正德元年以後

現行事例編集成書頒在中外又請理釋莫如魚朝恩故事銓不足言雲鳳號稱

名臣乃亦颯頰為此何也雲風與喬莊簡王瓊齊名號河東三鳳莊簡尚矣瓊與雲風何異華歆之龍尾乎

吾鄉六郡青州冠蓋最盛明嘉靖萬厯間官至高書者八九人而世宗時林下諸老為海岱詩社倡和尤盛其人則馮閭山黃海亭石來山劉山泉范泉楊灑谷陳東渚而即墨藍北山亦以僑居與焉倡和詩凡十二卷無刊本余近訪得鈔本詩各體皆入格非浪作者閭山名裕即四馮之父惟健惟敏惟重惟訥文敏琦之曾祖山泉范泉則文和珙之孫也此集惜不行於世乃鈔而藏之其後大司空龍淵鍾公晚年里居復舉真率之會多至三十人而詩歌倡和不及前矣海岱社詩即文敏公所選已上古夫于亭雜錄

林翁古度閩人也少賦過鼓行為東海屠隆所知尤與曹氏能始相友善蓋嘗論之翁少與曹氏游發三山來建康上匡廬觀瀑布游陽羨探善權玉女之奇其詩清華省淨具江左初唐之體逮壬子以還一變而為幽隱鈎棘之詞如明妃遠嫁後無復漢宮豐容靚飾顧影裴回光照殿中之態今所錄篇什率皆辛亥以前之作而世之浮慕翁者或未必盡知也并錄二

漁洋詩話福清林古度茂之萬厯中詩人與曹南宮學佺鍾學憲惺友善亂後居金陵乳山每過余親為撰杖結襪康熙甲辰林攜其萬厯甲辰以後六十年詩詣余求為揀擇僅存其甲子以前詩百餘篇施愚山見之曰吾交林翁久不知其詩清新俊逸源本六朝初唐乃如此

池北辛丑寅間予在江南林茂之攜其萬曆甲辰以後六十年所作屬予論定因

為披揀得百五十六首皆清新婉縝有六朝初唐之風施愚山過廣陵讀之驚曰世

幾不知此老少年面目矣子真茂之知己也

清止趙公諱進美字嶷叔一字韞退益都人詩清真絕俗得王孟之趣使江西時尤

刻意二謝其放吟一卷皆樂府詩丁明未造多悲天憫人之思顧盼跌宕不主故常

有邯鄲生天人之歎後官京師與尚書曹秋岳侍郎諸公倡和一變而高華

尚聲調然梨花楓葉諸篇風致不減青邱海叟使楚一集尤為執林貴重

附錄此條前後段公具夙慧帖括之暇輒私作為詩歌古文人稱聖童十四補博  
士弟子十七中崇正丙子鄉試第一又四年庚辰成進士授行人早通二氏之說  
髮未燥作瑤臺夢立地成佛諸傳  
奇論者謂不減張小山貫酸齋云

館陶翰林編修耿公願魯字公望亦字又樸康熙庚戌進士為詩秀發如初日芙蓉

自然可愛有韋齋集七卷

孫君廷鐸字道宣別號夢果道人世籍益都予與君順治中偕上公車逆旅解鞍篝

燈談藝往往至乙夜不休尤喜其五言閑曠閑關諸作非彭澤右丞不足擬也官陽

江知縣

自昔稱詩者尚雄渾則鮮風調擅神韻則乏豪健二者交譏唯今太宰說巖先生之

詩能去其二短而兼其兩長吾推先生詩三十餘年世之談士皆以為定論而無異

帶經堂詩話

解者以此丁丑詩一卷公所自書益漸老漸熟之候而書法圓美蒼勁姿態橫生適與其詩相稱真兩絕也

少陵江頭五詠語多可笑亦不成章二蘇記園中草木各十一首差強人意耳下此則李衛公詠平泉草木鏃鏃能新非洪丞相盤洲草木雜詠所及悔人六詩晚出欲與衛公二蘇公抗行又非杜洪前詩所及也

已上蠶尾續文 并錄二

漁洋詩話朱震字悔人楚潛江人詩特工五言嘗為余作齋前花木六詠最佳昔王筠為沈約賦郊居十詠約曰此詩指物呈形無假題署今之視昔殆為過之官石泉令卒於蜀甚可惜也

蠶尾續文

遲暮衰殘欲焚筆硯久矣屢讀悔人與赤杼近詩不勝脾胃肉生之歎

木翼宗字石髮章邱人稱詩老於布衣余題其詩卷云恥食嗟來鬢已斑吟髭撫盡一身閑惜君生後滄溟叟不在華鬢曩最閒

漁洋詩話

帶經堂詩話卷七

漁洋山人

總集門四

家學類

三伯祖光祿少卿養吾公蒙萬厯庚辰進士起家陽城知縣擢監察御史官止卿寺

近始見手書詩草一卷謹錄四篇以存其梗概鳳音鳳兮鳳兮集高岡七德九苞稱

至祥五音六律鳴朝陽鳴朝陽應明主非帝庭宜高舉鶴鳴蒼松挺挺鶴相招振翻

翩翩來九霄警霍憂憂鳴九臯鳴九臯聲萬里明月來清風起琴我攜綠綺奏薰

風一曲相思彈未終淚垂絃絕送歸鴻送歸鴻坐明月人不見心如結暮雨忽忽白

雲羅神霄霏霏暮雨平河橋有美一人路迢迢路迢迢望無極夢相見醒相憶十叔

祖翼吾公象萬厯壬辰進士改翰林授簡討少有詩名橐今無傳惟鄭簡菴獨先生

新城舊事載其二句云古寺人來花作供孤城春盡草如煙八叔祖伯石公象十七

叔祖季木公象春十八叔祖用晦公象詩別詳三王公集季木公元名象翼分甘餘話

池北從叔祖季木考功跌宕使氣常引鏡自照曰此人不為名士必當作賊嘗奉使

長安飲于曲江賦詩云韋曲杜陵文物盡眼中多少可免墳其傲兀如此有題項王

廟樂府一篇云三章既沛秦川雨八關更縱阿房炬漢王真龍項王虎玉玦三提王





不語鼎上杯羹彘翁媪項王真龍漢王鼠垓下美人泣楚歌定陶美人泣楚舞真龍亦鼠虎亦鼠此詩劉公藏絕愛之公與文光祿太青友善詩亦齊名

云文

天瑞如魔波旬具諸天相能與帝釋戰鬪遇佛出世不免愁宮殿震壞王季木如西域婆羅門邪師外道自有門庭終難皈依正法然其警策處要自不可磨滅列朝詩

中僅錄三首又非佳作

居易錄

十七從叔祖季木仕南考功郎中以詩名萬厯間與文光祿天瑞翔鳳齊名

論之曰天瑞如魔波旬具諸天相能與帝釋戰鬪遇佛出世不免愁宮殿震壞季木如西域婆羅門教邪師外道自有門庭終難皈依正法此雖戲論其言自確然今

所傳問山亭前後集汰其蕪雜擷其菁英可傳者尚可得什之二三也少時詩如故人江漢絕疎雨戶庭過之句不減大復蘇門八叔祖伯石仕為姚安府同知著迂園

詩集詩名遠出考功下然謹守唐人矩矱不失尺寸如詠魯仲連云孤城一飛矢六國有心人又蕭條兩岸柳悵悵五更雞魚藏蘆底穴雪壓竹間廬青瑩茅舍火縹緲

竹林煙南雁迎花早東風帶雪多月明才十日人病已經旬皆五言之選也後人不

振子購其刻板藏之十八叔祖晦甫著鶴隱雨籬諸集才不逮考功而欲馳驟從之故時有銜蹶之患未能成家今刻板僅有存者予有三公詩選頗有可傳

漁洋詩話

十七叔祖考功季木

象春原名象翼

天才排翬目空一世使秦游曲江有詩云韋曲杜

陵文物盡眼中多少可免墳題項王廟壁云三章既沛秦川雨入關更肆阿房炬漢  
王真龍項王虎玉玦三提王不語鼎上梧美棄翁姆項王真龍漢王鼠城下美人泣  
楚歌定陶美人泣楚舞真龍亦鼠虎亦鼠古今判劉項無此雄快八叔祖郡丞伯石  
良亦有詩名五言如蕭條兩岸柳悵悵五更雞魚藏蘆底穴雪塵竹間廬青獎茅舍  
火縹緲竹林煙孤城一飛矢六國有心人龍源花外水鹿角雨中山皆中唐之選也  
十八叔祖大寧令用晦象明原詩亦有足傳如日日輕雷送雨聲小窓歷亂竹枝橫  
水痕時落還時漲枕上看山秋欲生細雨新晴百草菲含桃初染杏初肥奚童競撲  
柳花落嬌鳥時銜榆莢飛水淨欲浮蚪蚪字苔深爭迸籜龍衣闌珊春色歸何遽簾  
外輕寒臘當作履稀又有句云老松帶露滴中角亂石敬風迎馬前余嘗輯為琅邪

三公集

先世父侍御府君諱與允字百斯崇正中以劾總兵官鄧玘忤時相罷歸甲申聞國

難闔門自經明史載忠義傳有隴首集一卷南城陳伯璣錄其詩與雁門孫白蕭曲

黃海鈴岡袁臨合刻之為四忠詩贊之曰遺音危苦孤桐玉律吟龍夏石梵

猿噉月浩歌悲嘯雷風交加蟲豸不整象華其牙云漁洋詩話并錄一

分甘先伯父侍御公詠梅云繁英任似火冰稜自如石南枝與北枝不作春風格陳

伯璣云公忠烈之性已見於此

再從伯與政字文玉甲辰進士中書舍人從兄士驥之父也好為豔體少時有悼亡詩句云二十五年將就木一千里路不通書欲喚小兒求夢草定呼妙子到稠桑梵梵白兔東西顧恰恰黃鸝四五聲通德每宵談祕事清娛隨處品名山皆工有籠鶯館集行齊魯間

居易錄 并錄一

漁洋從伯文玉與工豔體詩所著有籠鶯館集無題云二十五年將就木一千里路不通書梵梵白兔東西顧恰恰黃鸝四五聲通德每宵談祕事清娛隨處品名山皆

工

先府君諱與勅字欽文別字匡廬少工駢麗之文晚年猶間為之中歲好為詩不孝

兄弟間請編錄軌不許曰吾偶寫懷抱如絃之有音既絃停音寂何用留此枝贊為耶漁洋文

先兄考功平生詩不減二千餘篇已刻者曰表餘堂集曰十笏草堂集曰辛甲集曰上浮集海內耆宿論之詳矣杜于皇以為埽絕依傍期于親見古人孫豹人以為取法少陵稍出入於康樂東坡之間汪茗文以為幽閑澹肆極其性情之所之而夷然一歸於正尤展成以為如深山道人草衣木食而神色敷腴非食肉之相林鐵崖以為登臨矚望多豪雋非常之詞時逃於貝葉時逃於綺語毛馳黃以為磅礴在中鬱紆在外皆忠愛悱惻之所激發蓋諸公之論云然而先生嘗題襄陽詩曰魚鳥雲沙

見楚天清詩句句果堪傳一從時世矜高唱誰識襄陽孟浩然其微旨所寄如此予  
往撰感舊集既援篋中中州二集附錄季川敏之兩元之例以先生詩終卷今二十  
五年矣適刻東癡蕭亭二家詩於京師乃復擇先生詩什之二三次為四卷并刻以  
傳仍取諸公品藻之語略為序述以俟論定或曰子獨無言可乎曰不敢也無已則  
舉坡公所云出新意于法度之中寄妙理于豪放之外以評是詩其亦無溢美爾矣

六并錄

池北偶談先考功西樵兄少時有詩曰雄風涼大壑雌蜺貫秋城時推警策按法苑珠林  
又有雄雷雌雷

香祖

筆記先兄考功集詩屢經芟削最後止刻四卷佳句佚者頗多略記一二如灘縣道

中云人煙通下密橋路遶東丹夏夜詞云夢覺聞花漏星河一帶橫感興云大人有  
賦言仙意內景何方駐聖胎此類尚夥予少時詩如送人知鄆縣云天晴真臘樹日  
射灌門潮分賦菊名孔雀尾云未登嵇氏狀卻號孔家禽贈徐東癡云湘東品第留  
金管江左風流續玉臺過郡城云郭邊萬戶皆臨水雪後千峰半入城舟中小飲云  
行藏略已同仙尉得失何妨任老兵餘亦頗有可存者今略識其概耳

漁洋

詩話西樵甲辰之獄吏議

半載始白扁舟南下余迎於秦郵相見持之而泣

西樵都不及患難時事直取一巨編擲余前曰弟視吾詩境地差進不人歎其曠達

全上 甲辰歲西樵戲為蟲豸詩二十首益有所感慨而作余見之曰此下彬蚤蟲賦

之流也腹與龜腸潔聲兼清露遙何緣塵垢裏強著伴金貂蟬早讀漆園書夢亦羨

相相魏收自輕薄胡為波及汝蝶共道輸君獨牽絲巧若神祇應同吉網莫便誚經

綸龜手推故神物名流解望塵將軍揖客少莫訝叩頭頻叩頭汝腹能幾許禪中漫

鬪雄還思蝨父語直有魯連風蝨爾軀既已輕爾行復能跳無如湯沐頻有時亦相

吊蚤委贄大蘭王項領足意氣縱解認前身詎羨轉輪貴牛領記體槃瓠族豕蟲略

相類狗苟而蠅營名實竟雙備狗雖遊戲三昧然非才人不能道也

分甘西樵古意云鴉鵲兩兩栖浦沙昨夜郎來眠妾家滅燭入門帶星去看郎一似

菖蒲花最質而古

漁洋文 士正與西樵先生為兄弟四十年撫我則兄誨我則師真有如子由所云云者

先生沒禮部公泣謂士正曰而與而兄實有牙生報弦之痛豈但鴿原之悲也

宗衲案山人閱西樵故書泣賦云痛絕人琴今已矣牙生從此竟摧弦用此語也或與上句例看以為不切兄弟事固矣

予兄弟少讀書東堂之外青桐三白丁香一竹十餘頭而已人跡罕至苔蘚被階

紙窓竹屋燈火相映呬唔之聲相聞如是者益十年長兄考功先生嗜為詩故予兄

弟皆好為詩嘗歲暮大雪夜集堂中置酒酒半出王裴軻川集約共和之每一詩成

輒互賞激彈射詩成酒盡而雪不止久之予三人馳驅南北獨仲兄家食以老有詩

數百篇久沈翳篋中暇乃擇三之一刻之與古鉢同附考功集以傳曰抱山者兄少

日所居堂因以自名其詩蓋取諸孟東野句云已上蠶尾續文并錄二

漁洋詩話仲兄禮吉士少時有和唐祖詠望終南殘雪詩三首云微風打窓紙凍雀鳴簷

端起看松竹色蕭蕭增薄寒將雪無雪色色在浮雲端煨芋對新雪骨與梅花寒遠

山直西牖高高出林端朝來望新霽四顧清光寒

蠶尾續文仲兄所刻抱山詩集凡二卷嘗和月泉吟社詩五十餘章多警策未及鈔梓

兄諱士祐字叔子一字子側號東亭生於常熟官署因小字虞山年十許歲時嘗雪

夜集東堂長兄偶簡輞川絕句命屬和兄詩先成有日落空山中但聞發樵響之句

長兄激賞不肖筮仕揚州時家嚴在官舍兄遂留侍定省之餘兄弟論文不啻家塾

長兄時官吏部寄詩云聞道汝兄去提携慰寂寥燈花開幾許稚子喜應饒共試南

冷水同看北斗杓何時如意舞一破廣陵潮益羨兄與不肖聚首之樂而恨己之離

居也官舍有竹亭鶴柴雜植梅花辛夷修竹兄每娑娑讀書其間癸卯秋試受知張

給諫螺浮張禮部受菴兄有聲場屋十餘年至是得雋年三十二矣甲辰長兄以磨

勘事坐累兄職納橐饘事白更相慰藉長兄賦詩四章贈兄其略云諒為死喪憂且

復數相見炎蒸午不避霜露曉能踐拘幽昧消息緩急視子面患難故舊疎艱虞友

朋賤傷哉鵠原心匪石不可轉戊申秋南游汎大江至姑孰攬青山白紵之勝多所

題詠庚戌會試受知相國魏公大宗伯□公少宰王公閣學田公翰林夏公廷對  
在高等已而館選不得與辛酉至京師需次之暇讀書賦詩近和張文昌秋懷詩十  
章詞旨和平無悽戾之音竊意其懷抱少舒詎謂遂成絕筆乎詩初學李長吉後悔  
之不復作庚子游京口三山乃復為數篇南城陳伯璣刻傳之遊吳興白雀寺與萊  
陽宋荔裳宴江王惟夏虞山嚴武伯吳江葉元禮分韻賦五言古詩舉座歎其雅絕  
舟過犇牛賦詩云楓葉蕭蕭露氣清蒲叢獵獵早潮生扁舟跂脚聞風水便有長江  
萬里情藝林傳頌之漁洋文并錄二

蠶尾續文古鉢山人詩一卷凡為古今體百篇初與其弟士正同學詩於兄考功氏常夜  
雪集東堂同和輞川集山人得句云云考功驚歎遊吳興與諸名勝其賦五言詩成  
諸公閣筆以為孟襄陽微雲澹河漢之比

漁洋詩話

余兄弟少讀書東堂嘗雪夜置酒酒半約共和王裴輞川集東亭士得句云日

落空山中但聞發樵響兄弟皆為閣筆○東亭與宋荔裳嚴武伯熊葉元禮舒諸名

士游吳興道場山共賦五言詩兄詩先成羣公歎絕以為微雲澹河漢之比○計甫草

曰三王並負盛名西樵阮亭蚤達故聲譽易起乃東亭之才詎肯作蠶腰哉東亭舉

庚戌進士早歿余刻其詩二卷曰古盞集

王士純字孤絳贈光祿寺少卿十二叔祖完初公象之孫白哲美風姿書法李北海

弱冠殉崇正壬午之難有新月詩云乍見一簾水回頭月抱肩黃如浮醉酒瘦比壓

琴弦并錄一

古夫于從兄孤絳純詠新月詩云乍見一簾水回頭月抱肩黃如浮醉酒瘦比壓琴

絃孤絳少有叔寶神清之目書法擅絕一時弱冠殉崇正壬午之難

予所居小圃石帆亭南有池曰春草一日集子弟羣從賦詩弟士驪幔亭有天際星

河倒入池之句予甚激賞之已上漁洋詩話

附錄分甘餘話先高祖大僕忠勤公遺墨止有采三殿大木於黔中時所為祝嘏  
詞及史論數篇先曾祖大司徒公著述有炳燭編攝生篇百警編皆門生郭文毅  
明龍正域為序及諫議疏稿先伯祖大司馬公著述有八編而混入太倉王進少司  
理群躬奏議總督宣大奏議大牛載陳大樽子龍經世八編而混入太倉王進少司  
馬思質序疏數篇先伯祖大司徒公著述有炳燭編攝生篇百警編皆門生郭文毅  
誌略載數篇先伯祖大司徒公著述有炳燭編攝生篇百警編皆門生郭文毅  
翰林官汪灝張逸少等四大人續廣之又著述羣芳譜最著康熙四十六年專刻今邑  
隴勳說心賞編日者錄荒成法舉業津梁等凡十餘種先伯父侍御公著述有  
陵倡和詞先兄吏部西樵有然脂集二百卷十笏草堂集西湖竹枝三舟倡和詞祖  
郡丞定宇公迂園集少司馬立山堂集西臺奏議吏部季木公問山亭集  
齊音李杜詩評大宜令用晦有鶴隱集從伯文玉龍驚館集余嘗欲錄其簡要合  
為一編藏之家塾奔走四方卒卒未暇今老矣  
矣未必能終踐此志聊志其目存之家乘云

自述類上

予幼入家塾肄業之暇即私取文選唐詩洛誦之久之學為五七字韻語先祖方伯  
府君先嚴祭酒府君知之弗禁也時先長兄考功始為諸生嗜為詩見予詩甚喜取



劉頊陽一相明相國鴻訓之父先生所編唐詩宿中王孟常建王昌齡劉春虛韋應物柳宗元

數家詩使手鈔之十五歲有詩一卷曰落箋堂初稟兄序而刻之未幾中辛卯鄉試

始與邑隱君徐夜東癡定交以詩往還予贈徐句云湘東品第留金管江左風流續

玉臺徐答云野雁想潛窺摹繪得其真者是也乙未中會試與海內聞人縹紵論交

交道始廣五月買舟歸里始棄帖括專攻詩故予詩斷自丙申始丁酉秋倡秋柳社

于明湖即大明湖亦名濯纓湖又名蓮子湖二東名士如東武邱石常海石清源柳燾公墜任城楊久通聖

宜兄弟益都孫寶仲孺輩咸集予首倡四詩社中諸子暨四方名流和者不減數百

家戊戌廷對不與館選以觀政留京師始與長洲汪琬茗文南海程則周量武進

鄒祇諤訐士輩倡和為詩已亥再入都謁選吏部汪程皆官都下又益以潁川劉仁體公

敵祇鄆陵梁熙曰緝是冬崑山葉方鶴子吉海鹽彭孫通駿孫皆來定交相倡和庚子之官

揚州揚州衣冠輻輳論交遍四方又數之金陵姑蘇毘陵所至多文章之友從遊者

亦衆甲辰遷禮部與翰林李檢討天湘北今尚書部陳檢討廷子端今都察院臺中董

御史文玉虬洎梁劉汪程輩切劘為詩歌古文而方為尚書為

之職志已酉奉使淮浦庚戌冬入都會考功兄再官吏部萊陽宋按察琬玉叔嘉善

曹講學爾子顧宣城施叅議閔尚白後入翰林華亭沈副使荃貞蕤後復入翰林官

學士加禮部侍郎證文恪皆集京師與予兄弟暨李陳諸子為詩文之會居無何葉編修方吉

後官至掌院翰林學士  
加禮部尚書諡文故  
亦至壬子七月而予奉使入蜀尋以內艱歸里考功兄以癸

丑七月歿乙卯七月再入都故人在者惟李陳葉三君皆官翰林彭亦時一至焉內今

閣學士兼禮部侍郎丙辰丁巳聞商邱宋華牧仲今巡撫江西郟陽王又幼華後官戶部安邱

曹貞升今徽州府同知曲阜顏光修來後官吏部中黃岡葉封井叔後官工部德州田雯子綸

今巡撫貴州謝輝千仞今刑部晉江丁雁水按察使及門人江陰曹未頌嘉後官

祭江都汪麟季角主事皆來談藝予為定十子詩刻之戊午正月予奉旨改翰林

侍讀庚申擢國子祭酒時李公為內閣學士陳葉二公相繼為翰林掌院學士沈公

為掌詹而施彭及汪琬陳雜諸君皆在翰林亦一時之盛也

予幼自乙酉丙戌間避兵長白即史記所稱副嶽也西陽雜俎記山中崔羅什沙彌

二桃事其峰巒洞壑橫側單複之奇概未之及也乙未舉進士後丙申春始與邑高

士徐夜東癡同遊凡柳菴上書堂醴泉寺諸勝皆至焉刻長白遊詩一卷癸丑丁內

艱以先祭酒府君命養疴山中僅至柳菴生菴唐李菴醴泉寺距昔遊已十八年

乙丑丁外艱丁卯往視內兄張隱君居賓公于山中遂同至書堂柳菴葛洞未及醴

泉而返距癸丑之遊又十三年矣名山近在戶庭宦遊四方輒不得歸歸而往遊動

逾十稔中間惟丙申之遊最樂癸丑以先恭人艱歸又值先兄考功之變丁卯以乞

假歸者尋遇祭酒府君大故豈復有山水之樂哉即此一山之遊今昔陵谷之感不

啻如右軍禊帖云矣已上居易錄

順治庚子仲冬予病初起有事南蘭陵八日而返得遊記六題名七古近體詩四十編為一通曰過江集程子崑崙予畏友也而得與之乘清宴理遊事延陵季子之高風陳修撰之忠節予之所尚論而服膺者也而得拜其墟里問其子孫弔其流風餘韻京口三山及招隱鶴林諸寺予十年夢寐而不獲一至而得放舟大江躡屐幽壑窮極煙風雲水之變態斯遊也可謂不徒矣家兄東亭懷京峴之勝遂同斯遊得詩凡若干首附於後

漁洋山在鄧尉之南太湖之濱與法華諸山相連綴巖谷幽窅筇屐罕至登萬峰而眺之陰晴雪雨煙鬟鏡黛殊特妙好不可名狀予入山探梅信宿聖恩寺還元閣上與是山朝夕相望若有夙因乃自號漁洋山人云是役也發朱方次雲陽抵吳閭歸經伯鸞之溪前後所得詩六十餘篇題曰入吳集嘗讀東坡先生集云少與子由寓居懷遠驛一日秋風起雨作中夜倏然始有感慨離合之意嗣是宦遊四方不相見者十八九每秋風起木落草衰輒淒然有所感蓋三十年矣故其述舊詩曰西風忽淒厲落葉穿戶牖子起尋袂衣感歎執我手朱顏不可恃此語君勿疑別離恐不免功名定難期而其終篇則曰雪堂風雨夜已作對牀聲至陳州東府諸篇一則曰夜雨何時聽蕭瑟一則曰對牀定悠悠夜雨空蕭瑟子由答坡公詩亦曰誤喜對牀尋

舊約不知漂泊在彭城子每循覽愴然不能終卷然爾時方與諸兄讀書家園肩隨  
跬步未知此語之可悲也弱冠以來各以世網奔走四方回憶曩時家園之樂不可  
得然後知兩蘇公之詩之可悲有什倍於疇昔者蓋情隨事遷而感慨係之矣予以  
順治十七年來佐揚州中間與禮吉一別與東亭再別西樵自大梁過廣陵對牀一  
夕遂別於鑿江之上嗟乎予兄弟少無宦情同抱箕穎之志居常相語以十年畢婚  
宦則耦耕醴泉山中踐青山黃髮之約息壤在彼得毋笑是食言多乎是歲癸卯西  
樵奉命主中州試東亭舉山東榜予之居揚州且四年矣除夕偶編次一歲所作慨然

書此

已上漁洋文

予三至金陵庚子以鄉試分考至渡江日已曛黑東炬登燕子磯題詩石壁翼日金  
陵競傳寫之和者甚衆辛丑以讞獄至作秦淮雜詩金陵遊記每讞事畢輒肩輿往  
烏龍潭靈谷瓦官諸寺城南高座長干諸古刹探幽訪古而公事未嘗廢也乙巳內  
遷禮部解郡後客金陵凡前所未經歷者如牛首祖堂棲霞花山與方文爾止共遊  
焉補遊記數篇通集所作詩文為白門前後集汪琬鈍翁序之及乙丑祭告南海歸  
過金陵當時老友皆已淪沒惟倪粲雁園以翰林請假里居顧予舟中予感賦一詩  
云往日秦淮水朱樓賦洞簫白頭故人盡重過石城橋一夕即解纜渡江矣  
順治庚子冬在揚州病起以公事渡江往毘陵與京口別駕程康崑崙同遊金焦北

固及鶴林招隱竹林寺海嶽菴諸名勝有過江集張吏部九公選序之云筆墨之外

自具性情登覽之餘別深懷抱知己之言也辛丑春以例往松江謁直指次游墅聞

鄧尉梅花盛開遂輕舟入太湖口自光福元墓留聖恩寺四宜堂賦詩數十篇而返

因自號漁洋山人有入吳集予自少癖好山水嘗憶古人身到處莫放過之言故在

揚州日于金陵京口梁谿姑蘇諸名勝皆于簿書期會中不廢登臨而公事亦無濡

滯者吳梅邨業師謂予在廣陵日了公事夜接詞人以擬劉穆之予豈敢望古人若

山水之癖則庶幾近之耳寺中齋禱無事因憶舊遊略述之以示兒輩

康熙壬子予以戶部郎中奉 命典四川鄉試所過名山如井陘霍山姑射中條雷

首太華少華終南太白雲棧嶠冢錦屏天柱岷山青城驀頤凌雲峩嶠烏尤五峰塗

山平都上崑瞿唐三峽巫山十二峰隆中峴首蘇門百泉諸勝舟車過發迫于王程

或至或不至凡登望皆有詩為蜀道集又別為蜀道驛程記四卷施愚山侍讀曹峩

眉禾祭酒徐東癡夜隱君序之葉文敏訂菴題長句於卷首又以書抵予云蜀道新

詩每一篇具有二十分力量云

甲子十月予自國子祭酒遷少詹事十一月奉 命祭告南海是冬大雪所過如嶧

山雲龍眠瀟岳黃梅五祖九江匡廬南昌西山吉安青原贛州十八灘八境臺梅

嶺韶石大廟瀆陽中宿於羊諸峽濛濛龍頭影彈子磯觀音岩越秀白雲西樵七星

岩諸山皆與粵中故人

輩賦詩獨不及登羅浮啖新荔為兩恨

事耳歸渡彭蠡阻風南康與南豐湯先生

來

賀楊菴南康周太守

燦

星公孫徵君

蔚枝

豹

人同遊廬山白鹿洞棲賢寺望五老峯觀三峽玉淵諸名勝又自玉京山至萬杉開

先諸寺觀青玉峽瀑布欲由開先往歸宗觀水簾以風便登舟不果至今耿耿于懷

予詩所云譬彼禽尚遊五嶽得其四是也既渡湖口厯石鐘大孤小孤三山天門采

石牛渚南眺姑孰之青山白紵橫望九井約略見之渡江至滁州逆旅即次遂冒雨

遊琅琊山醉翁豐樂二亭訪西澗度清流關及渡河取道曲阜謁闕里林廟望泰山

並徂徠入青石關以歸有南海集及皇華紀聞若干卷南行志北歸志廣州遊覽小

志各一卷蜀道南海之行往返皆萬二千里而予且倦遊矣

已上居易錄

宗柝按山人宦轍所經類多題詠吾浙巖壑奇秀節屐杳然竊為山靈抱憾爾讀  
自撰年譜知山人隨方伯之任時才四歲後不復至又案山人三奉使事俱在子  
年亦一異也

異也

長白大谷之東南北兩峯呀然中開有小山突起當綰轂之口曰于茲山又曰魚子

其下有流水即水經注魚子水也山之上有夫子亭相傳陳仲子灌園處予別業在

其下坐臥草堂朝夕與此山相對遐思仲子之高風慨然如或遇之因以古夫于名

堂焉予自甲申歸田十月出都門是年冬不雪而雨雨且連日夜明年春夏兩有安

德之役其冬馱雪乃復有詩夏秋避暑西城別墅之鷗舫舫在小菴畫谿之右啟北

牕則修竹數百挺蟬鳥鳴和不見曦景東窗俯谿夢覺時聞游魚撥刺荇藻間亦復欣然知魚之樂時作小詩脫稿即付兒涑涑輒與蕭亭厯友司允諸君屬和積成卷軸其語不越一邱一壑鳥花猿子之閒暇錄一通寄武林吳子寶厓新安汪子于鼎不足示外人也

予次康熙戊子一歲之作為蠶尾後集得五七言絕句二百餘首而古律詩才什之一於是先絕句而餘體反附其後是歲予年七十有五篤老矣目昏眇不能視書惟大字本略可辨識偶案上有宋淇景廬氏唐人萬首絕句舊板本乃日取讀之兩月而畢於是撰錄其尤者凡九百餘首以繼文粹詩選之後弇州先生曰七言絕句盛唐主氣氣完而意不必工中晚唐主意意工而氣不必完予反復斯集益服其立論之確毋論李供奉王龍標暨開元天寶諸名家即大厯貞元間如李君虞韓君平諸人蘊藉含蓄意在言外殆不易及元和而後劉賓客杜牧之李義山溫飛卿唐彥謙諸作者雖用意微妙猶可尋其鍼縷之跡有所作輒欲效之然終不能近也故是歲所為絕句遂溢至二百首諸體寥寥未便割棄乃存而附之卷末予甲申歸田後詩曰古夫于亭稿此卷則為蠶尾後集以綴蠶尾正續兩集之後實則古夫于亭稿後一年之作云已上蠶尾續文

帶經堂詩話卷八

總集門五

漁洋山人

自述類下

予少時與先兄考功同上公車每到驛亭輒題素壁筆墨狼藉率不存橐逸去多矣  
 數年來往往從友人口中得之恍忽如夢不忍盡割略記于此河口花明錦纜春研  
 繚綾子領邊巾不知何事牽儂思欲登紅箋賦洛神徐隱君東癡嘗口誦此詩不見湘中舊  
 西園蘭石愴如新低徊十五年前句祇有蛛絲絡暗塵彭少宰孫通美門誦之關河連夜雨驛  
 路一聲蟬湯右曾西厓王風迴郎閣聞鈴馱日落關山見戍旗彷彿夢中尋蜀道打  
 包身度棧雲西徐學士健卷誦之且題其右云古驛斜陽聽鐸聲分明棧路蜀山行讀君題句成先識天遺才人過錦城句甚佳麗往跡流傳  
 本事詩廿年如夢不堪思重來頭白風情盡誰記巡檐繞柱時江權麟叔定誦之趙北燕南  
 水四圍此中避地可忘機垂垂芟實迎秋熟拍拍鷗羣接翅飛蟹舍都連黃篋舫釣  
 人相映綠蓑衣淮南小別今三載魚稻珠湖願竟違曹祭酒禾莪嶺榜池北偶談  
 余自少年與先兄考功同上公車每停驂輟輒相倡和書之旗亭驛壁率不留  
 橐諸同人見之者後在京師往往為余誦之恍如昨夢近見吳江鈕玉樵璜觚騰亦  
 載余逸句因憶丙午自里中北上戲題德州南曲律店壁一絕云曲律店子黃河厓



亦地名地 朝來一雨清風靈青松短壑不能住騎驢又踏長安街語雖詼嘲不足存亦小

有風趣聊記于此香祖筆記

續文康熙四十年五月二十日午憇曲律店憶三十年前過此戲題絕句云曲律店

接黃河屋朝來一雨清風靈青松短壑不能住騎驢又踏長安街今老矣憶斯語為

之慨然

順治辛丑春雨中泊舟楓橋寄先兄西樵二絕句云日暮東塘正落潮孤蓬泊處雨

瀟瀟疎鐘夜火寒山寺又過吳楓第幾橋楓葉蕭條水驛空離居千里悵難同十年

舊約江南夢獨聽寒山半夜鐘今在苒五十年矣西樵下世亦已三十餘年回思往

事為之憮然而歎分廿餘話

宗柎附識鮑待翁亞谷叢書漁洋先生於順治辛丑遊吳題詩楓橋詩話載之余

以康熙庚子再遊鄞尉泊舟楓橋追憶其事屈指剛六十年口占一絕句云路近

寒山夜泊船鐘聲漁火尚依然好詩誰嗣唐張繼冷落春風六十年翁名鈐字冠

亭雲中人嘗為湖之長與令風流好事不沾俗吏之塵著述數種叢書其一也

辛丑在廣陵閩中友人許天王公車北上以缺資斧來告會囊無一錢先室張宜人

笑曰君勿憂我為君籌之除腕上跳脫付予曰此不足為許君行李費耶予亦一笑

持遺天玉天玉作長歌記其事頗援古賢媛為此  
予奉使入蜀時兩喪愛子宜人病骨支牀而予有萬里之行宜人慮傷予心破涕為  
笑扶病治裝刀尺之聲與嗚咽相聞惟恐予之聞之也予途中寄詩云何必言愁始

欲愁離騷端只是離憂兩年再墮童烏淚萬里虛為諭蜀遊落日深山聞杜宇秋風古驛下金牛傷心欲寫蠻箋寄十樣空傳出益州次灞橋再寄詩云長樂坡前雨似

塵少陵原上淚霑巾灞橋兩岸千條柳送盡東西渡水人已上漁洋文

附錄張宜人行述後段宜人十四歸予予性疎散好讀書不問家人生產宜人以勤儉佐予內外秋然今已矣予偶讀文選至潘騎省悼亡詩輒閉目不欲觀又客秋過河間和沈敬南鈞戈夫人歌一篇語近不祥輒削稟他日入室思人流芳已歎遺柱在壁憶騎省之詩豈非神先告之手悲哉

亡室陳孺人懿行儉德可書者非一性慧強記初從予口授唐絕句百首皆成誦吟諷中律呂予所賦詩亦頗能誦數十篇禪誦之餘每舉以相娛樂既十四五年扣之

一無遺忘似有慧業者哉蠶尾文

宗柎案山人年譜康熙十五年丙辰九月張恭人歿于家而陳孺人卒在癸酉四月張孺人卒在己卯六月俱書側室第陳於丁巳十月聘娶視張之少從夫人俱來為媵妾者稍異耳讀集中行述二首自明

康熙十一年六月奉命典蜀試七月朔與家兄西樵考功及家人別余方有兒渾之痛伏枕浹旬黽勉就道初十日抵平定州夜雨夢兒渾髮髻如平生枕上拭淚成一詩蜀道驛程記

長女小字阿端以康熙己未五月初九日生於京師卒年十有三女阿宮以甲子九月二十日生京師女生而余遷宮尹故以名之十歲病死始阿端之葬也予為詩哭之曰左氏嬌女詩陳王金瓠詞忘情非太上萬古一街悲既而自疑曰一詩而引

二事是疑於兩女也不祥然孰意其果識乎

蠶尾文

宗柎按山人自述其詩多散見諸書持采數條於此卷中以見其性情之篤非漫然者又按山人交遊甚廣此下諸條或為平生知己或為布衣至誼所謂文章有神交有道也而其

余以順治乙未舉禮部戊戌始赴廷對一日期集禮部新郎君皆在全椒吳玉隨

對國大呼入曰此中何者為濟南王郎乎眾愕然余方跂腳榻上笑曰君自辨之吳直

前捉余臂曰此即是也眾為一笑後吳以第一甲二人及第假過真州贈余詩云如

此青天如此月兩人須問大江秋詩詳鑿江倡和集

并錄二

香祖筆記戊戌同年吳侍讀默岩全椒人榜眼及第詩未入格而頗有勝情予官揚州時

常與共客儀真一日過予客園置酒酒間作擘窠大字及便面數事皆即事漫興之

語令人解頤尚記其一則云少陵云一洗萬古凡馬空東坡云筆所未到氣已吞才

人須具此胸次落筆自爾不凡惟阮亭可以語此頃之予衣領上偶見一蟻即又云

宰官衣領繚上一蟻于此正須耐煩以為勝俗客耳雖偶然游戲皆有理趣久之露

坐月色皎然賦絕句云如此青天如此月兩人須問大江秋予和之得四首翰林兄

弟皆名士廡屋三間分兩頭及第紅綾分餅日閉門黃葉著書秋鳴嶺

園中小斜日

森碧篠人影參差曲岸頭頃刻疾書兩丸墨山蟬墮地數聲秋又二詩不具錄詳鑿

江倡和集

分廿餘話 同年吳默岩在儀真常書許彥周詩話老牡丹青引一洗萬古凡馬空坡公觀  
吳道子畫壁詩筆所未到氣已吞惟二公之詩各可以當之而舉余少作周文矩莊  
子說劍圖詩使筆如劍劍氣出之句以為惟余詩足以當之今五十年默岩墓有宿  
草矣

余少在濟南明湖水亭賦秋柳四章一時和者甚眾後三年官揚州則江南北和  
者前此已數十家閨秀亦多和作南城陳伯璣沅曰元倡如初寫黃庭恰到好處諸

名士和作皆不能及

宗柎按鈍翁說鈴王十一感秋柳賦詩四章其三云東風作絮糝春衣云云嚴給  
事沅稱此詩風調淒清如朔鴻關遂易引羈愁讀之良然近別裁集謂秋柳詩乃  
公少年英雄欺人語為所欺者強為注釋究之不切秋并不切柳問其何以勝人  
曰佳處正在不切也為之絮然竊謂四詩佳處全在情味勝人不獨如給事所指  
一首也若斤斤繩墨以求之恐非作者本意矣

余往如臯馬上成論詩絕句四十首從子淨名浣作注人謂不減向秀之注莊後不

三十天卒西樵仲子并錄一

居易儀封王世治刻吳江計甫草東讀予論詩絕句記來徵士大夫詩歌紀事以計

此記為予詩作也因先呈予世治跋云不肖生也晚距先肅敏公六世時已百餘年  
守家藏集恒虞失墜有莫為之後之懼康熙壬戌七月太邱王瑗郵致甫草計先生  
讀阮亭詩記一篇世治讀之不禁涕淚深歎知己之難而相遇之奇也世治半世俯

首老諸生不能與當代賢士大夫挈長比藝焜耀先澤而甫草乃從阮亭王公少谷  
山人之句而致其感動痛哭之辭至欲為先肅敏死斯亦奇矣嗟乎是少谷阮亭兩  
公之知先肅敏而總藉傳于計先生之一痛也海內文人其誰不願為計先生死者  
哉予康熙癸卯在揚州一日雨行如臯道上得論詩絕句四十首蓋做元裕之作其  
一云三代而還盡好名文人從古善相輕君看少谷山人死獨有平生王子衡甫草  
丁未於都門見此詩因作記今載甫草集

余在甓社湖舟中作歲暮懷人絕句六十首丙夜而畢紙盡以公牒牘尾續之淋漓  
皆徧

余少客秦淮作秦淮雜詩二十餘首陳其年詩兩行小史豔神仙爭寫君侯腸斷句  
謂此也又在真州作絕句云好是日斜風定後半江紅樹賣鱸魚又濛濛夕照開棠  
邑葉葉風帆下建康又摘星樓閣浮雲裏一傍危欄望楚江又綠楊城郭是揚州江  
淮間多寫為圖畫後入蜀行夾江道中望峩眉三峯在煙雨空濛中賦詩云沈黎東  
上古犍為紅樹蒼藤竹亞枝騎馬青衣江上路一天風雨望峩眉及入粵大雪行潛  
山唐娑嶺即事賦詩云皖公山色望迢迢皖水清冷不上潮青笠紅衫風雪裏一林  
楓栢馬蕭蕭常欲命畫師為寫二圖未果每以為憾已上漁洋詩話  
余少時官廣陵與諸名勝修禊紅橋即席賦冶春詩二十四首陳其年後至贈余詩

曰玉山筵上顏唐甚意氣公然籠罩人劉公賦曰采明珠耀桂旗麗矣或率而兒拜  
或揚袂從風如欲仙去冶春詩獨步一代不必如鐵屋迺作別調乃見姿媚也香祖筆記

錄一

漁洋詩話

余少時在廣陵每公事暇輒召賓客汎舟紅橋與袁荊州訂諸詞人賦詩有綠  
楊城郭是揚州之句江淮間取作畫圖又與林茂之張祖望杜于皇孫豹人程穆倩  
修禊於此自賦冶春詩二十首陳其年題其後云官舫銀鐙賦冶春琅邪風調更誰  
倫玉山筵上顏唐甚意氣公然籠罩人宗定九鼎詩云休從白傅歌楊柳莫向劉郎  
演竹枝五日東風十日雨江樓齊唱冶春詞劉公賦曰耀明珠蔭桂旗麗矣或率而  
兒拜或矯而當熊或揚袂隨風如欲仙去遺世獨立橫絕一時不必如老鐵花游諸  
曲迺作別調始見姿媚也

居易錄

予嘗與袁昭令杜于皇諸名宿宴于紅橋予自為記作詞三首所謂綠楊城郭  
是揚州是也昭令酒間作南曲被之絲竹又嘗與林茂之孫豹人張祖望網孫輩修禊  
紅橋予首倡冶春詩二十餘首一時名士皆屬和予既去揚州過紅橋多見憶者遂  
為廣陵故事陳其年云官舫銀鐙賦冶春廉夫才調更無倫玉山筵上顏唐甚意氣  
公然籠罩人宗梅岑云休從白傅歌楊柳莫向劉郎演竹枝五日東風十日雨江樓  
齊唱冶春詞此例甚多丙寅丁卯間曲阜孔尚東塘以濬河至揚州題詩紅橋云阮

亭合向揚州住杜牧風流屬後生廿四橋頭添酒社十三樓下說詩名曾維畫舫無  
閑柳再到紗窗祇舊鶯等是竹西歌吹地煙花好句讓多情

附錄香祖筆記屠隆長卿令青浦梁辰魚伯龍過之為演浣紗記遇佳詞軌浮以  
大白昔袁荊州簿卷于令自金陵過予廣陵與諸名士汎舟紅橋予首賦三閣所  
謂綠楊城郭是揚州者諸君皆和袁獨製套曲時年八十矣  
曲載紅橋倡和昔張子野與東坡會飲垂虹亭年亦八十

康熙三年予與杜于皇潘陳其年維輩同在如臯修禊於冒氏水繪園賦詩或問杜  
阮亭詩何如答曰興酣落筆搖五嶽詩成嘯傲凌滄洲又問君詩何如曰但覺高歌

有鬼神誰知餓死填溝壑池北偶談 并錄二

香祖筆記余康熙乙巳春將去廣陵偶以公事至如臯冒辟疆襄約余修禊水繪園別業

時通州八十老人邵潛潛夫及宜興陳其年縣人許嗣隆山濤及冒氏諸子咸在坐  
分體賦詩余得七言古體坐湘中閣立成十章黃岡杜于皇後至他日或問之曰阮

亭詩如何杜曰酒酣落筆搖五嶽詩成嘯傲凌滄洲又問君詩如何曰但覺高歌有

鬼神誰知餓死填溝壑

漁洋詩話余與邵潛夫陳其年諸名士以康熙乙巳修禊冒辟疆水繪園分體賦詩余戲

謂其年曰得紫雲捧硯乃可紫雲者冒歌兒最姝麗者為其年所眷許之余坐湘中

閣立成七言古詩十章後一日杜茶邨自廣陵至亦有補作或問之曰阮亭詩何如

杜曰酒酣落筆搖五嶽詩成笑傲凌滄洲君詩何如曰但覺高歌有鬼神誰知餓死

填溝壑

予在揚州日通州布衣邵潛潛夫年八十餘無妻子僑居如臯予適按部至縣邵以書來云苦門夫之役予抵縣次日晨往訪之所居狹巷不容車騎予下車徒行入蓬門陋室卧榻與竈突相接所刻書板充棟出市酤留飲予為引滿數觴盡歡而罷邑令聞之即日免其徭役福清林古茂之亦八十餘數自金陵過訪每集諸名勝文宴紅橋平山堂之間予親為撰杖康熙甲辰除夕茂之以萬曆甲辰已來六十年詩屬予刪定不減數千篇皆曹能始鍾伯敬譚友夏諸前輩所鉛黃予為存其甲子以前風華近六朝者而刪其甲子後詩幾盡施愚山閩見之曰吾與林翁久游處非君選不知其本色乃如是君之功林翁大矣高濂老布衣邢昉孟貞五言學韋蘇州風格甚高予至揚州昉前死已久予為祭酒時長山李尚書孫斯恂謁選得高濂令予以昉家事託之俾訪其妻子明年李以書來云邢妻老尚無恙一弟為老諸生一孫甚貧已辦二百金為買丞相圩腴田四十畝不憂饕殮矣愚山與孟貞交最善代為謝予予與孟貞終未識面其弟妻與孫亦不知予誰何也成都費密字此度獻賦破蜀後流寓秦州人無知者予偶見其五言詩曰大江流漢水孤艇接殘春愛之賦詩云成都跋道士萬里下峩岷虎口身曾拔蠶叢句有神大江流漢水孤艇接殘春十字須千古何為失此人密見之遂來定交南城陳允伯璣客金陵清羸善病以予故數來



揚州選錄國雅集子居之古文選樓頤料理之孫詩豹人三原人僑居揚州高不見

之節予訪之先以詩云焦穫奇人孫豹人新詩雅健出風塵王宏不見陶潛迹端木

宜知原憲貧遂為莫逆交秦州布衣吳嘉紀字賓賢居東淘苦吟不交當世予見其所

為五言清冷古澹雪夜被酒為其詩序馳使三百里致之嘉紀大喜過望買舟至廣

陵謁謝遂定交黃州杜潘于皇客揚州嘗人日大雪無事巾車造之論詩竟日樵蘇

不費茶話而已乙巳七夕予赴京師諸君餞于禪智寺祖道賦詩于皇詩云記逢人

日雪造我吟窮愁豹人詩云欲問忘情老何名共命禽因刻禪智錄別一卷誌一時

窮交之誼今二十六年矣予嘗于役淮陰雪夜泊甕社湖作歲暮懷人絕句六十首

紙盡取公文牘尾紙雜書之皆滿詩中所及大半布衣也居易錄 并錄四

漁洋詩話南通州邵潛潛夫亦萬歷詩人

子僑居如臯年八十矣苦徭役余適以按部至縣詰旦首謁邵邵所居委巷乃屏輿

從徒步而入邵曰適有酒一斗能飲乎余欣然為引滿流連移晷始別縣令聞之立

除其役

池北偶談邵潛字潛夫自號五岳外臣南通州人性傲僻不諧俗好嫚罵人人多惡之及

與李本宜鄒彥吉黃貞父陳仲醞諸公遊所著友誼錄循吏傳印史諸書多可傳者

年五十無子娶後妻成久之嫌其貧老棄去一婢又為勢豪所奪遂隻身容如臯城

除其役

西門年八十矣康熙乙巳予過臯訪之茅屋三間黝黑如漆邵筋骨如鐵白髮鬢髮  
被領雙眸炯然具果毅留予飲尚盡數觴與修楔冒氏洗鉢池尚能與予輩賦詩陳  
其年維云古今文人多窮然未有如邵先生者聽其言愴然如劉孝標所自叙也予  
去廣陵聞邵即以是歲下世矣

漁洋詩話杜茶村濬初名詔先黃岡人僑居金陵貧甚屢客廣陵甲辰人日大雪時方鎖  
印無事余造訪之清言竟日乙巳七夕余北上京師諸人祖於禪智寺即席賦五言  
茶村有句云記逢人日雪造我吟窮愁謂此也

全上余在廣陵五年多布衣交甲辰內遷乙巳七夕諸詩老送別禪智寺孫豹人  
有句云欲問忘情老何名共命禽難言無所住齊有淚盈襟

順治己亥客京師日聽劉公猷吏部鼓琴賦詩贈之云與君更作他年約黃鵠山中  
訪戴行至壬寅歲相遇於京口京口有黃鵠山在城南五六里即招隱寺宋戴顒故  
居也始悟前詩蓋有定數云池北偶談 并錄五

漁洋詩話劉公猷體吏部善鼓琴常於慈仁寺精舍彈御風操余贈詩云與君更作他年  
約黃鵠山頭訪戴行京口黃鵠山戴顒所居也後五年果相遇黃鵠山下又沈文恪  
繹堂荃以箋索書余為書放翁詩云三疊淒涼渭城曲數枝閒澹閨中花未幾典蜀  
試至閨中驛亭恍然悟前詩信數有前定哉

池北  
偶談

世事莫非前定所云動乎四體有不知其所以然者往予在淮南好觀棧道圖有興化顧生符禎工此技妙入毫髮予令畫絹素屏扇凡十數自為長歌題之復以其一贈姊夫劉大田倬既而予有入蜀之役同行即劉君也辛亥歲在京師沈文恪繹堂為侍讀以小冊索書予為書陸放翁詩云殘年作客遍天涯下馬郵亭便似家三疊淒涼渭城曲數枝閑澹閨中花劈牋授簡相逢晚理鬢薰衣一笑譁俱是邯鄲枕中夢墜鞭不用憶京華比入蜀信宿閨中乃憶前事真詩識也因賦一詩寄沈葭萌關外極天涯長憶西園夜鬪茶萬事輪他前定在今朝真看閨中花曩丁未歲四月二十九夜夢中得絕句云溪鋪翡翠映煙空溪上飛橋落彩虹愛玩花蘂憶元相一枝渾卧碧流中既覺不知所謂末句則元微之使東川所賦亞枝紅詩也至是過褒城亦驗予已酉奉使淮上過奉高閱秦安州誌至羸博字軌心惡之辛亥壬子遂連遭渾沂兩兒之痛入蜀時過百牢關作一詩懷諸兄結押廬字忽心動曰廬廬居也得勿不祥乎又閱劔南詩有云成都放榜第一人楊姓具慶下愴然有感又心惡之比榜放解元果楊兆龍也心益動時先慈宜人已見背予在萬里外未知也昔阮孝緒於鍾山聽講母王忽病兄弟將召之母曰孝緒至性冥通必當自到果心驚而

返信有是哉

蜀道驛  
程記

在京師沈繹堂侍講以箋索書予為書陸務觀閨中詩云殘年作客徧天涯

下馬郵亭便似家三疊淒涼渭城曲數枝閑澹闌中花擘棧授管相逢晚理鬢黃衣  
一笑譁俱是邯鄲枕中夢墜鞭不用憶京華是時子與繹堂輩方日為文字之飲既  
書此詩意頗不擇到閬州始省前事豈前定耶

漁洋詩話余常夢中得詩云谿流翡翠暎煙空谿上飛橋落彩虹愛玩花叢憶元相一枝

渾卧碧流中既覺不知所謂及使蜀乃悟是元微之亞枝紅詩即使東川作也昭陽

顧符植工畫余尤愛其棧道圖為賦長歌凡扇頭絹幅屏幃間皆令作棧道圖後壬

子丙子兩使蜀此其識也又常有夢中作云涼雲止復行水花開更落煙柳夕陽時

### 蟬聲動高閣

分甘餘話唐鄭綮云詩思在灞橋驢子背上胡擢云吾詩思若在三峽聞猿聲時也余少

作論詩絕句其一云詩情合在空舸峽冷雁哀猿和竹枝用擢語也後壬子秋典蜀

試歸舟下三峽夜泊空舸月下聞猿聲忽悟前詩乃知事皆前定

予壬子歲過新樂縣題詩驛壁寄宋荔裳玩蜀臬云當年霧夕詠芙蓉促席傳觴樂

未疎名忝應劉七才子座傾沈范兩尚書飛星過漢無留影萍葉隨潮少定居賴有

前期不相負秋來同釣錦江魚沈范謂

梁相國蒼巖標清也時荔裳與

予先後入蜀其明年荔裳入覲卒京師公即以是歲下世戊辰梁公以司馬入相

卒未卒于位今復過此舊館已頽前題不復可見俛仰二十五年間遂如隔世益知

維摩談空理不可易也 秦蜀驛程後記

康熙庚申春予與施侍讀愚山同過宏衍菴看海棠各有四絕句今庚午二月重來

海棠三株皆已化去而愚山之墓木拱矣不勝今昔存歿之感因復成一絕云十年

不見謝宣城目極澄江遠恨生白首重吟枯樹賦江潭蕉萃庚蘭成 居易錄

予初以詩贊於 先生時年二十有八其詩皆丙申年少作也先生一見欣然

為序之又贈長句有騏驥奮蹠踏萬馬暗不驕勿以獨角麟儷彼萬牛毛之句蓋用

宋文憲公贈方正學語也又采其詩入所纂吾炙集方俞山自海虞歸為余言之所

以題拂而揚詡之者無所不至余嘗有詩云不薄今人愛古人龍門登處最嶙峋山

中柯爛蓬萊淺又見先生制作新白首文章老鉅公未遺許友入閩風如何八代論

騷雅也許憐才到阿蒙今將五十年回思往事真平生第一知己也 古夫子 亨雜錄 并錄一

漁洋詩話 贈余古詩云騏驥奮蹠踏萬馬暗不驕勿以獨角麟儷彼萬牛毛

又為作集序有與君代興之語時余年甫踰弱冠耳其為所賞異如此余後有絕句

云少年薄技悔雕蟲拂拭當年荷鉅公紅豆莊前人去久花開花落幾春風

京口張文選公選博物君子也嘗題予過江入吳兩集云筆墨之外自具性情登覽

之餘別深懷抱此語可與解人道 香祖筆記 并錄一

漁洋詩話 張吏部公選 九徵 先生題余過江集云筆墨之外自具性情登覽之餘別深寄託

昔亡友葉文敏評余蜀道集詩毋論大篇短章每首具有二十分力量所謂師子搏象兔皆用全力者也余深愧其言陳評余南海集雖不及蜀道之宏放而天然處乃反過之此亦知言文敏又嘗語余兄七言長句他人不能及祇是熟得史記漢書耳分廿餘話

汪鈍翁與余順治末稱詩都下忝齊名之日鈍翁有詩云俠少場中同結駟郎官隊裏各題詩取居王後吾何敢願作雲龍上下隨漁洋詩話

康熙丁未戊申間余與茗文公猷玉蚪周量輩在京師為詩倡和余詩字句或偶涉新異諸公亦効之茗文規之曰兄等勿效阮亭渠別有西川織錦匠作局在又葉文敏初菴云兄歌行他人不能到只是熟得史記漢書耳余深愧兩兄之言余少奉教於婁江兩先生五十年來書尺散佚偶從鼠蠹之餘得兩先生尺牘手書不勝感歎謹錄左方○先生書三通○玉峯郵中忽奉長箋溫文麗藻曄如春華

東風入律青雲千呂捧讀數過笑繼以忤自分以木桃之投而致瓊瑤之報私心怦營愧無以仰副德音也衰遲潦倒青身空門舊學無幾遺忘殆盡惟有日繙貝葉銷閑送老世間文字茫然如前塵積劫門下散華落藻如卿雲在天有目共覩老人未免張觸童心鼓動習氣欲從蒲團上颺去以此自笑耳近日詩家如稻麻葦粟今得法眼刊定又有伯璣元覽其為鑑裁廣陵當又築文選臺矣西樵詩渴欲請教郵中

都未見寄怒如調饑我勞如何邗溝一水不能辦十日春糧趨侍鈴閣京江間阻便  
如明河天塹可一歎也。篋述不復編次緣手散去存者什一荆婦近作當家老  
媿米鹽瑣細枕藉煙熏掌簿十指如椎不復料理研削矣卻拜尊命慚惶無地杜詩  
非易注之書注杜非小可之事生平雅不敢以注杜自任今人知注杜之難者亦鮮  
矣可歎也西江王于一苦心學四大家文字溢逝之後遺文散佚倘得屬伯璣搜緝  
序而傳之俾此子不為草亡木卒誠藝林所仰望也貴門人便郵草率奉復老懷縷  
縷都無倫次惟高明亮之。僕於君家李木兄有同年同志之誼而司馬中丞暨令  
祖方伯咸以年家稱弟畜我愛我松茂柏茂如草木之有臭味不但孔李通家也世  
事改遷故舊寥濶東望岱宗未嘗不鬱紆感歎頃聞門下雄駿絕出整翮雲霄鴻裁  
豔詞衣被海內才筆之士靡不捧盤執匱願拜下風私心慶幸以為大槐之後復產  
異人新城門第大振於灰沈煙燼之餘禽息之精陰慶在季木可知也舍甥北還復  
示大集如觀武庫如游王府未敢遽贊一言於簡端丁老繼之枉過言門下駐節水  
亭討論風雅風前燭下矐念衰朽以為孤竹老馬猶能識道不惜過而問焉禪力未  
固獵心復萌繙閱再過放筆為糠粃之尊良以古學日遠流俗波靡如門下應半千  
之運茗盞穎發回斡狂瀾鼓吹大雅故敢傾吐樸學申寫狂言直道其所厚望於門  
下者此時稂莠一區烏鼠同穴聞僕之言必將羣喙爭鳴衆口交詛區區之意但得

以片言自效於高明斯世有一人知己豈復與輟才小生爭寔數於鼠穴哉序言草  
略有懷未盡扇頭古詩一章聊當百一邗溝京江盈盈一水貧病屏跡投老荒村東  
風解凍尚期裹糧襍被奉扣鈴閣庶幾樵蘇不爨明鐙永夕上下揚花成千古佳話  
耳君家羣從比復何如季木兒郎得免負薪否牘未附問不盡馳念○餘生暮年銷  
聲息影風浪瞥起突如焚如介恃天慈得免要領噩夢已闌驚魂未憇遠承慰問深  
荷記存惟有向長明鐙下炷香遙祝而已伏讀佳集泱泱大風青邱東海吞吐於尺  
幅之間良非筆舌所能贊歎詞壇有人餘子皆可以斂手矣老耄叢殘仰承推許三  
復德音慚懼交并輟才樸學本不敢建立門戶厠足藝林幸奉先生長者之訓稍知  
撥棄俗學別裁偽體采詩餘論聊示發揮遂使謠詠紛如彈射橫集俗習沉痾未學  
晦蒙醢雞井猿良可憇歎日星在天江河萬古歐陽公有言豈為小子輩哉八十老  
叟餘年幾何旣已束身空門皈心勝地義天法海日夕研求剡心刻腎如恐不及何  
暇復沉涵筆墨與文人才子爭目睫之短長哉非旁行之書不觀非對法之論不作  
世間文字一一皆迴向波若唄讚之餘游戲諷詠禪則寒山梵志儒則擊壤江門可  
以助發道情消除陰界假年送老如是而已秋柳新篇為傳誦者攫去枚生已老豈  
能分兔園一席分賦忘憂白家老嫗刺促爨下吟紅詠絮邀若隔生無以仰副嘉命  
徒有永歎而已伯璣想尚在幸舍幸道相念寒窓裁謝臨風悵然○吳梅村先生書



一通 增城渡江一札想已得候見竹西正求傳示論詩大什上下今古咸歸玉尺  
當今此事非得公孰能裁乎江表多賢正恐不鳴不躍者或漏珊瑚之網如吾友許  
九日兄為寒齋二十年酬唱之友十子才推第一篇什流傳定蒙鑑賞近詣益進私  
心畏且服之而獨苦其食貧無依即宿舂辦裝亦復不易而出門求友之難也今春  
坐梅花樹下讀阮亭集躍起狂叫曰當吾世而不一謁王先生誰知我者襍被買舟  
素第濁酒特造門下雖幸舍多賢誰復出九日上者乎其姿神吐納書法之妙見者  
傾倒當以為長史玉斧之流不徒繼美乎丁卯橋也門下延華學秀或亦倦於津梁  
然如此客急宜收之夾袋咳唾所及增光長價且此君青鞵布鞵由是而始無使寥  
落便增旅况則皆名賢傳中佳話耳

故友劉吏部公馘尺牘題跋風味不減蘇黃偶從蠹簡中得其小札一通別錄於此  
潤州握手謂我猶遊戲人間喜極淚下不知公馘何人而先生眷眷若此揚署再晤  
見退衙時小書一屏書洛神賦壁上懸松圓詩老小景一幀匡牀柴几蕭然無點塵  
令人意消白沙客舍下馬踞牀為我特留一日集諸勝流修談讌之娛昔人有言不  
幸生末俗猶幸識元紫芝僕既幸識先生又辱眷眷若此想曾於無量阿僧祇劫供  
養承事一切慧業文人故茲生乃享此報不落落也嘗與同人言讀同時他人作雖  
心知其什倍於我竊復漫臆儻假以問學似若可追至吾阮亭即使我更讀書三十

年自覺去之愈遠正如仙人嘯樹其異在神骨之間又如天女微妙偶然動步皆中  
奇舞之節當使千古後謂我為知言近所作既不欲刻布可時寫一通見示僕所篋  
汝穎集蒙宣索繕寫寄呈先君子遺集一卷并呈不知能邀先生跋數語不姪子詩  
一幅閨房詩一冊附發一笑粲亦委巷語耳近日兒女頗好文術但為之父兄者愧  
無以教之然不可不令先生知之也欲言無窮忽已紙盡西風有便時望嗣音

已上  
古夫

于亭  
雜錄

歙縣門人汪洪度于鼎寄書曰生少從諸遺老遊竊聞其緒論以為詩之以仙稱者  
古今得四人焉曰陳思曰青蓮曰眉山曰新城心識其語而未測其所以然稍長縱  
觀載籍由漢魏以迄於今大而塞乎無垠細而入乎無間集古今之大成覓萬象而獨  
出者莫先杜陵尊之曰聖誠莫與京矣而新城公實亞之矣乃未遽尊之為聖而僅  
推之為仙何與母亦其氣超乎鴻濛之先味在於酸醎之外往往使人一唱三歎恍  
游神於溟渤駕鸞鶴摘星斗蒼蒼然遠而無所至極矣而實不在聲調音響間也島  
嶼雲霞有目者莫不瞥然一見而實有不可即者然則其不遽尊為聖者智未足以  
知而其推之為仙者殆亦有如列子所云藐姑射之神人邴鄆生所歎以為天人者  
非先生不足以當之歟要非熟復五先生之書咀其菁華探其根柢猶未知諸遺老  
之言之不我欺也因思仙聖間代而生生又同時久擬裏糧三月北學遊燕執經問

業計毛髓縱難洗伐而流風可起懦頑逡巡至今未果斯願已又思鄙人居處雖近  
 黃山碧溪而耳目終在塵土倘得飛仙吹噓所及不必入海求蓬萊仙乎亦足以  
 遺世焉昨歲不揣卑賤屬敝郡吳司成代陳以黃山始信峯草堂杏花春雨樓圖卷  
 奉乞鴻章洎司成書至謂先生一身繫天下之重政府精勤雖甚存注而筆墨未遑  
 生聞之而躍躍然怦怦然惟懼其究未易得也敢因家弟孝廉澄公車之便再申前  
 請伏冀先生吐握之餘錫以五字咳唾九天隨風珠玉引雞犬而納之雲中或亦度  
 世真仙所慈憫而不終遐棄者也璚瑁筆牀一具松明茶一斤附貢主臣居易錄  
 雲間董□孝廉俞之弟也自京師寄余書略曰先生具不世出之才悟最上乘之  
 道光歲萬丈仙佛一身天下學人如百川之赴海不肖幼侍先伯父得仲從兄蒼水  
 論詩必首推先生全體學杜而鎔化諸家敝鄉吳日千何次張張洮侯袁侷人張慧  
 曉諸君子時時過舍亦必稱先生昆仲之詩為人天手眼後養疾吳門得見堯峯汪  
 鈍先生屈指海內詩人惟新城為大家若某某但可稱名家未能比肩也云云余深  
 愧諸良友之言而老成凋謝墓有宿草久矣可勝三歎分廿餘話

宗棟附識談龍錄余門人方扶南世舉嘗問曰阮翁其大家乎曰然孰匹之余曰  
 其朱竹垞乎王才美于朱而學足以濟之朱學博于王而才足以舉之是真敵國  
 矣他人高自位置強顏耳曰然則兩先生殆無可議乎余曰朱貪多王愛好按同  
 時諸家稱山人詩溢美或亦有之其奉為大家實無異詞宮贊意多不滿而推引  
 如是且持議甚平  
 固知言之選也

白樂天自寫其集三本一置東都聖善寺一置廬山東林寺一置蘇州南禪院自云願以今生世俗文字之因轉為來世讚佛乘轉法輪之緣余昔亦嘗以漁洋集一本付楚雲師藏之南嶽一本付拙菴師藏之盤山昨門人劉翰林太乙青言欲以八分手書余正續集藏之嵩山少林寺亦香山居士後一段佳話漁洋詩話并錄一分甘餘話古人著述詩文一生心力所寄必有所托以思傳於後世如白樂天寫集三本一付廬山東林寺一付蘇州南禪寺一付龍門香山寺陸魯望詩文手稿盡真白蓮寺佛像腹中唐求詩草真大瓢中投諸岷江之流皆名心未忘故也如來自言四十九年未曾說著一字乃亦以身後結集屬大迦葉豈名心亦未盡忘耶頃襄城劉太乙翰林書來云欲自作八分書余漁洋蠶尾諸集詩藏於少林代余課所託意良厚因述此以報之

帶經堂詩話卷八

此乃... 在... 人... 公... 書... 年... 月... 日... 於... 某... 處... 撰... 述... 其... 意... 旨... 大... 致... 如... 下... 一... 二... 三... 四... 五... 六... 七... 八... 九... 十... 十一... 十二... 十三... 十四... 十五... 十六... 十七... 十八... 十九... 二十... 二十一... 二十二... 二十三... 二十四... 二十五... 二十六... 二十七... 二十八... 二十九... 三十... 三十一... 三十二... 三十三... 三十四... 三十五... 三十六... 三十七... 三十八... 三十九... 四十... 四十一... 四十二... 四十三... 四十四... 四十五... 四十六... 四十七... 四十八... 四十九... 五十... 五十一... 五十二... 五十三... 五十四... 五十五... 五十六... 五十七... 五十八... 五十九... 六十... 六十一... 六十二... 六十三... 六十四... 六十五... 六十六... 六十七... 六十八... 六十九... 七十... 七十一... 七十二... 七十三... 七十四... 七十五... 七十六... 七十七... 七十八... 七十九... 八十... 八十一... 八十二... 八十三... 八十四... 八十五... 八十六... 八十七... 八十八... 八十九... 九十... 九十一... 九十二... 九十三... 九十四... 九十五... 九十六... 九十七... 九十八... 九十九... 一百...

帶經堂詩話卷九

漁洋山人

衆妙門一

標舉類

李衛公一代偉人功業與裴晉公伯仲其會昌一品制集駢偶之中雄奇駿偉與陸

宣公上下別集憶平泉五言諸詩較白樂天劉夢得不啻過之池北偶談

徐公文集三十卷南唐徐鉉寶臣著五代時中原喪亂文獻放闕惟南唐文物甲于

諸邦而鉉錯兄弟與韓熙載為之冠冕常侍詩文都雅有唐代承平之風香祖筆記

附錄此條後段常侍入宋與湯悅即殿崇義奉詔撰江南錄至金陵亡國之際不

言其居之過但以歷數為言誅後主文尤極排側讀者悲之老學叢談記常侍入

汴市一宅居後見宅主貧甚曰得非市宅虧債而至是耶吾近撰碑文獲潤筆二

百千可以相濟其人堅辭亟命左右輦致之其厚德如此前開茶肆號徐十郎家

卷予家有寫本又云南唐二徐鉉無子錯有後人攝山前開茶肆號徐十郎家

王鉉性之常訪之鉉錯告勅具在又言嘗見錯文集有南唐宮人喬氏出家語今

騎省集三十卷尚完楚金集則不傳矣

偶為朱錫鬯太史尊桑舉宋人絕句可追踪唐賢者得數十首聊記於此亭亭畫舸繫

春潭只一作待行人酒半酣不管煙波與風雨載將離恨過江南鄭仲賢文寶春

陰垂野草青青時有幽花一樹明晚泊孤舟古祠下滿川風雨看潮生蘇子美春

淮中晚泊犢頭冷于陂水淡于秋遠陌初窮見一作渡頭賴是一作丹青無畫處一作不畫

成應遣一生愁司馬和中竹外桃花三兩枝春江水暖鴨先知萋萋滿地蘆芽短正

是河豚欲上時蘇子瞻東坡黃葉西陂水漫流蓬蔕風急滯扁舟夕陽暝色

來千里人語鷄聲共一印冠荆山國寶題露白一作霜紅郭外田山濃水淡欲寒

天參軍抱病陪清賞一檝呼歸亦可憐楊克一道手遺斷腸聲裏無形影畫出無

聲亦斷腸想得陽關更西路北風低草見牛羊黃魯直庭堅梁州一曲當時事一作

開元夢記得曾拈玉笛吹端正樓空春書永小桃猶學澹燕支山谷二見和陳君斷

雲一葉一作洞庭帆玉破鱸魚霜一作破柑好作新詩寄一作桑苧垂虹秋色滿東

南元章徽襄陽吳江垂虹亭投荒萬死鬢毛斑生入瞿唐灑灑關未到江南先一笑岳陽樓上

對君山山谷三見雨中登江上荒城猿鳥悲隔江便是屈原祠一千五百年間事

只有灘聲似舊時陸務觀游劍夜雨連明春水生嬌雲濃暖弄微晴簾虛日薄花竹

靜時有乳鳩相對鳴滄浪二見初目盡孤鴻落照邊遙知風雨不同川此中有句

無人見送與襄陽孟浩然東坡二見郭獨凭危堞望蒼梧落日君山似畫圖無數

柳花飛滿岸晚風吹過洞庭湖陳去非與義簡來時秋雨滿江樓歸日春風度客舟

回首荆南天一角月明吹笛下揚州鄭叔起震菊山梨花淡白柳深青柳絮飛

時花滿城一作惆悵西關一作東欄一株雪人生看得幾春晴東坡三見到處相逢是

偶然夢中相對兩華顛還來共醉西湖雨不見跳珠十五年東坡四見與烏塘渺

渺路平堤堤上行人各有攜試問春風何處好辛夷如雪柘岡西王介甫安石烏塘掃地  
焚香閉閣眠簟紋如似一作水帳如煙客來夢覺知何處挂起西牕浪接天東坡五見

曾作金陵爛漫遊北歸塵土變衣裘菱荷聲裏孤舟雨卧入江南第一州張宛邱未  
皂莢邨南三四里一作三春江不隔一程遙雙堤鬪起如牛角知是隋家萬里橋吳

各補之揚去年此日泊瓜洲衰柳蕭蕭客繫舟白髮天涯數流落今宵一作聽  
州雜詠兩中題壁山驛蕭條酒倦傾嘉陵相背去無情臨流未忍輕相別吟聽潺

湲坐到明右守道介祖徠照江丹葉一林霜折得黃花更斷腸商略此時須痛飲細  
腰宮畔過重陽劍南二見洞庭木一作落萬波秋說與南人亦自愁欲指吳淞一作指

何處是一行征鴻一作雁海山頭元咎二見亦見宛邱集陌上花開蝴蝶飛江山猶是  
昔人非遺民幾度垂垂老遊女還長一作歌緩緩歸東坡六見白髮先一作朝舊史官

風爐煮茗暮江寒蒼龍不復從天下拭淚看君小鳳團韓子蒼駒陵陽謝濯錦江  
邊憶舊遊纏頭百萬醉青樓而一作今莫索梅花笑古驛燈前各自愁劍南三見濟

南春好雪初晴行到龍山馬足輕使君莫忘雲溪女時作陽關腸斷聲東坡七見琵琶  
絃急滾梁州羯鼓聲高舞臂鞦韆破費八姨三百萬大唐天子要纏頭東坡八見請

逍遙堂後千章一作木常一作送中宵風雨聲誤喜對牀尋舊約不知漂泊在彭城  
蘇子由轍頰瀟秋來東閣涼如水客去山公醉似泥困卧北窗呼不醒一作風吹松



竹雨淒淒穎濱二見千詩織就迴文錦如此陽臺暮雨何只有聰明蘇蕙子更無悔

過竇連波山谷四見題蘇落日同騎款段遊倦依松石弄清流蓬萊漢殿春分手

一笑相逢太華秋華陰呈舊同舍行至舟中一雨掃飛蠅半脫綸巾卧翠藤殘夢未醒

一作清窻日晚數聲柔櫓下巴陵劍南四見何人把酒慰深幽開自無聊

落更愁幸有清溪三百曲不辭相送到黃州東坡九見向來松檜欣無恙坐久復

聞南磧鐘隱隱修廊人語絕一作四山滴瀝雪鳴風愈宋文淵齊自愛一作新詞韻最

嬌小紅低唱我吹簫曲終過盡松陵路回首煙波十四橋絕句章夢白石夜暗歸雲

繞枕牙江涵星一作影雁團一作沙行人悵望蘇臺柳曾與吳王掃落花白石二見

征帆一似白鷗輕起揭船篷看晚晴梅子著花霜壓岸自披風帽過臨平高九萬菴

過臨平菴宗柙附識能改齋漫錄諫議大夫宋齊愈宮詞云禁城春水碧浴浴洗出桃花萬

片紅葉上細看無一字始知無女怨東風雖道中云竹籟絕雨才通按齊愈

紅間淺紅山店落英春寂寂青旗吹盡柳花風又一首即此條所舉是也按齊愈

以推舉偽楚伏誅其詩罕有采錄附見于此又並齊述萬廬先生云宋人絕句率

筆最多間有用意為此者亦有往別裁思過半矣

葉石林全集一百卷桑以懌家書目有之今不可得建康集八卷則紹興八年再帥

建康作也石林晁氏之甥及與无咎張文潛遊為詩文筆力雄厚猶有蘇門遺風非南渡以下諸人可望

附錄蠶尾文集石林學有師承筆力雄邁猶有東京盛時風氣非南渡諸人所及  
業經籍志石林集百卷今所傳止建康集八卷餘率湮沒幸避暑錄語燕語放言  
五欄等書猶存說部中豈一人之身其著書傳不傳亦各有數  
即石林之學尤遠於春秋觀集中答王從一教授二書可見

安岳馮山字允南詩文各十五卷今鈔本止詩十二卷餘皆缺山蜀人生當北宋全  
盛時與文湖州鮮于子駿遊而無一語及眉山父子兄弟閱此集頗有佳勝五言古  
西縣道中云漢水引我行梁山逸我坐山水已雅絕春容碧相和下馬取酒餘梅飄  
酒中墮日落醉不去青茸草間卧郊外云解中卧柔碧送王審言秘校潞州法曹云  
上黨綠青冥勁氣西北隅黃河天際來草木冬前枯七言古采樵行俠少行張王具  
體黔江八陣磧二篇最佳又題鮮于秀才所居云羣峰屋背猿鳥啼二江門前鷗鷺  
飛雅聞君居頗竒絕長恨不到情依依仙翁落拓少拘檢解舞石上凌清暉投冠整  
袂或云起塵土一踏何時歸此詩有子瞻風氣五言律詩上范蜀公二十韻說盡蜀  
公平生春閑云春聲蜂遠屋晴意鳥臨牕新霽云曉日雲輕放林花水倒沉瞿唐峽  
二十四韻寫夔州山川字字逼肖不身歷其地者不知也起云勝絕瞿唐險西陵古  
地形巴江深洞穴蜀主舊門庭王氣吞三峽神功出五丁繼云衆流趨灑瀨遠意會  
滄溟顧盼疑無地幽陰似有靈白鹽懸日月黑石鼓雷霆鑿餘痕在高深巨勢停  
魚龍憑險怪煙霧鎖沉冥念昔窮探索嘗言駭觀聽去觀作波濤真激箭舟楫劇奔星  
殆欲頡頏老杜七言律詩和周正孺遊蠶叢云林綠郊原逢雨後殘粧桃李覺春深

宿雲亭云亭榭寂為閑處所溪山清帶古風流劍州東園云援琴故故彈流水隱几  
蕭蕭聽竹枝送李杞赴闕云千番蜀屑供吟橐一道秦川照錦衣重陽寄文與可云  
黃菊縱逢佳節好清歡不似去年多山路梅花云傳聞山下數株梅不免車帷暫一  
開試向林梢親手折早知春意逼人來何妨歸路參差見更遣東風次第催莫作尋  
常花蕊看江南音信隔年回風趨盎然昔人所云清空一氣如話者也五古有謝人  
惠充墨詩蓋兗州宋時製墨有名微是時疑當作詩世罕知之詩云故人山東來遺我數  
丸墨掘丸大如指盥手重拂拭濃磨向日看古瓦增潤澤經屑不見紙清光隱深黑  
書云舊所秘聞今已難得庭珪死已久至寶世罕識御府從近存疑有誤人間萬金直  
兗州擅高價比歛固少抑古松亦將盡神奇漸衰息文章不見貴筆研豈可擲牢落  
况此君雖精淡無色憐君情好古投贈兼以臆世事持此觀噫嗟共冥默

宋謝邁幼槃竹友集十卷詩七卷雜文三卷謝方伯在杭手鈔本邁臨川人逸之弟  
江西詩派二十五人之一也在杭跋云幼槃詩文不傳于世此本從內府借出時方  
汲寒京師傭書甚貴需銓京師費用不贍乃手自鈔寫每清霜呵凍十指如槌幾二  
十日始克竣帙藏之于家亦足詫一段奇事也萬厯己酉十二月二十四日辛酉前  
有苗昌言呂本中二跋幼槃詩居仁稱其似宣城非也在江西派中亦清逸可喜然  
涪翁沈雄豪健之氣則去之遠矣顏魯公祠堂十八學士圖諸長歌頗佳格詩如尋

山紅葉半句雨過我黃花三徑秋接莎蕉葉展新綠從史榴花開晚紅瘦藤柱下萬峰頂野鶴來歸千歲巢皆佳句又靡靡江籬只喚愁眼中何物可忘憂棟花淨盡綠陰滿纔見一枝安石榴甚有風致非蘇黃門庭中人不能道也無逸詩尤有名溪堂集視此未知何如耳已上居易錄并錄一

鬻尾宋謝邁幼樂臨川人逸之弟江西詩派二十五人之一呂居仁稱其詩似宣城

未為篤論然亦清逸可喜而涪翁沉雄豪健之氣則去之遠矣顏魯公祠堂十八學士圖諸長句頗工近體如尋山紅葉半句雨過我黃花三徑秋接莎蕉葉展新綠從史榴花開晚紅瘦藤柱下萬峰頂野鶴來歸千歲巢皆佳句又絕句靡靡江籬只喚愁眼中何物可忘憂棟花淨盡綠陰滿纔見一枝安石榴甚有風致非蘇黃門庭中人不能道也顧安得無逸谿堂集及徐師川洪龜父諸人遺集一縱讀之耶

宗柎附識丙子秋九月吳門馮亮居過訪邨居攜贈竹友集一冊卷數悉合苗呂二家跋後又有謝公子果東山黃晉良及近時侯官林居吉人吾郎朱太史行堉諸跋山人跋語與此二條亦小有異同末書康熙三十年辛未夏六月雖非舊鈔繕寫亦雅知已佳脫何可忘也間有闕文諱字惜未得善本讐勘並錄谿堂集以成合璧爾並齋云余所有曝書亭抄宋人小集內有谿堂集數葉詩僅二十九首今屬樊榭宋詩紀事載無逸詩凡十有六首

錢武肅王目不知書然其寄夫人詩疑當云陌上花開可緩緩歸矣不過數言而姿

制無限雖復文人操筆無以過之東坡演之為陌上花三絕句云陌上花開胡蝶飛江山猶是昔人非遺民幾度垂垂老遊女還歌緩緩歸五代時列國以文雅稱者無

如南唐西蜀非吳越所及賴此一條足以解嘲

并錄二

香祖筆記晁无咎陌上花八首工妙不減蘇公其二篇云孃子歌傳樂府悲當年陌上看

芳菲曼聲更緩何妨緩莫似東風火急歸荆王夢罷已春歸陌上花隨莫雨飛卻喚

江船人不識杜秋紅淚滿羅衣

漁洋詩話五代時吳越文物不及南唐西蜀之盛而武肅王寄妃書云陌上花開可緩緩

歸矣二語豔稱千古東坡又演為陌上花云陌上花開胡蝶飛江山猶是昔人非遺

民幾度垂垂老游女還歌緩緩歸生前富貴草頭露身後風流陌上花已作遲遲君

去魯猶歌緩緩妻歸家晁無咎亦和八首有云娘子歌傳樂府悲當年陌上看芳菲

曼聲更緩何妨緩莫似東風火急歸荆王夢罷已春歸陌上花隨莫雨飛卻喚江船

人不識杜秋紅淚滿羅衣二公詩皆絕唱入樂府即小秦王調也

宋牧仲中丞行賑邛徐間于邛舍壁上見二絕句不題名氏真北宋人佳作也橫笛

何人夜倚樓小庭月色近中秋涼風吹墮雙梧影滿地碧雲如水流渺渺孤城白水

環舳艫人語夕霏間林梢一抹青如畫應是淮流轉處山

并錄一

漁洋詩話宋牧仲中丞嘗於淮北旅舍見二絕句云橫笛何人夜倚樓小庭月色近中

秋涼風吹墮雙梧影滿地碧雲如水流渺渺孤城白水環舳艫人語夕陽間林梢一

抹青如畫知是淮流轉處山中丞題其後云新詩寫向黃泥壁未許人間識姓名二

詩大似北宋名家

宗柝按後一首見秦淮海集前一首俟再考

余于宋南渡後詩自陸放翁之外最喜姜夔章堯章又號白石道人學詩于蕭千

巖而與范石湖楊誠齋善時黃岩老亦號白石亦學詩于千巖時稱雙白石云右見鶴

林玉露南渡四大家為蕭楊范陸而誠齋答堯章詩

宗柝附識並齋云瀛奎律髓載范石湖鄂州南樓詩方虛谷云乾鴻間詩巨擘稱尤楊范陸謂遂初誠齋放翁及公也初白先生評云誠齋集中稱尤蕭范陸為四

詩將蕭名海藻字東夫今失傳後遂以楊易蕭又蕭子巖次韻傳惟肖詩初白先

生評云南渡詩家初稱尤蕭范陸今蕭氏罕傳惟後邨詩話中及茲集所載數篇

而已又案律髓姜白石乃千巖之婿

全上宋姜夔堯章白石集予鈔之近百首蓋能參活句者白石詞家大宗其於詩亦

能深造自得自序同時詩人以溫潤推范石湖痛快推楊誠齋高古推蕭千巖俊逸

推陸放翁白石游於諸公間故其言如此其詩初學黃太史正以不深染江西派為

佳亦見巽尾續文

宗柝附識亞谷叢書風愛姜白石藕花多處別開門泊人生難得秋前雨乞我虛

堂自附識句近歲禾中廣陵先後盡刻之漁洋稱其能參活句不佳昔遊詩十五首尤

可誦其平生造詣自叙二篇足盡刻之四武唐俞氏及陶陵竹曾陸之二於謝詩詞

浩然徐迪功之詳審詩則盡去其竄入之異詞則一陶陵竹曾陸之二於謝詩詞

帶經堂詩話 卷九 標舉 五 掃葉山房石印

世人謂宋初學西崑體有楊文公錢思公劉子儀而不知其後更有文忠烈趙清獻  
并胡文恭宿三家其工麗妍妙不減前人今所傳西崑倡和集則丁謂諸人也潞公

以功名清獻以清直著聞而詩格殊不類亦一奇也

漁洋詩話 并錄四

池北文潞公承楊劉之後詩學西崑其妙處不減温李五言如雲淡天迷楚樓高地

偶談占秦哀箏兩行雁小字數鈎銀巷陌三條月池塘十步春府門初夜閉多少夜遊人

見山衡薄頻牽望楊林久駐鑪香囊徒叩叩雲月自蒼蒼翠佩傳情密微波託意遙

翩鴻漸高逝翻恨隔隔神霄嶺楊柳亭臺暮梨花院落深玉池波湛湛珠幌影沉沉遠

思隨莊蝶春懷怯雍琴萱蘇不蠲忿擁鼻獨清吟深院小檻風驚葉幽庭露泣柯芳塵

千里遠幽恨九迴多螢影穿簾押蛩聲出砌莎寸心無以寓望月但長歌秋七言如

小閣登臨春暮時綺欄飛闥映游絲鶯喧曲檻韓馮樹蘚晦幽庭貢禹綦閑對碧雲

吟桂水狂思長袂宿蘭池徘徊望斷江邊客采得瑤華寄與誰登通獵徧蘭叢與桂

枝巢居未必有先期靈臺十仞烏隨轉阿閣三重鳳豈知度柳暗催蟬噉噉出雲高

送雁離離漢宮上樹知何限爭忍重吟畫扇詩秋高樓閑背夕陽登眇眇長懷不自

勝錦瑟有時聞北里鈿車何日到西陵地寒萱草猶難種天遠瑤華豈易憑多謝蘇

門清嘯客了無塵事染壺冰瀟瀟帙青箱次第開慨然英氣轉難裁莫言每事俱長

往須有清風屬後來彈鋏始知皆瑣旅枕戈方信是雄才平生自信真非薄只是休

容楚鳩媒有聞史蘇文忠公常稱潞公長律無一字無考據世猶未知其工妙如此內鄉李子田撰藝圃集近石門呂莊生吳孟舉撰宋詩鈔皆遺潞公子偶讀公集摘錄

如右

宗柎附識並齋述萬廬先生云按雲月自茗茗乃用謝靈運東陽谿贈答詩語茗茗當作迢迢豈古字可通用耶

居易文潞公身都將相功名蓋世而其詩婉麗濃嫵絕似西崑予向摘其佳句著之

池北偶談趙清獻詩亦有似潞公者殊不類其為人如暖風云薄袂歌雲散輕盤舞袖低簾疎蕩樓閣塵暗逐輪蹄絮亂垂楊道香流種藥畦春牕惱春思一枕杜鵑啼

芳草云翠密馴文雉叢深隱畫輪離披金谷曉寂寞茂陵春古渡班荆客長堤走馬人羊羊似袍綠一雨一番新杜鵑云響亂書窓外人驚夢枕中江城啼曉月澤國愴

春風柳道盤餐綠桃園蹊蹠蹠紅年年來此地留恨任西東寒食云城郭青煙散郊園麗日長鬪雞紅錦翅游騎紫絲韁有蝶俱含粉無人不惜芳儘拚花下飲歸去醉成

鄉觀水云澄江抵練長極目路蒼茫煙芷差差綠風荷柄柄香西流終古恨南浦鎮時忙擬待傳辭意離人在楚鄉右數詩掩卷誦之豈復知鐵面所為耶

全上老學菴筆記司馬文正公五字詩云煙曲香尋篆杯深酒過花可謂工麗此與文忠烈趙清獻詩擬西崑相似也

香祖筆記宋初諸公競尚西崑體世但知楊劉錢思公耳如文忠烈趙清獻詩最工此體



人多不知予既着之池北偶談居易錄二書觀李子田萊執圃集載胡文恭武平宿

詩二十八首亦崑體之工麗者惜未見其全聊摘錄數聯于左玉谷漫持白馬先生

論未抵鳴雞下客功况次韻朱石林潤極琴絲緩水閣寒多酒力微淮南長生不待爐

中藥鴻寶誰收篋內書南蕩槩遠從芳草渡墊巾還傍綠楊堤沖虛桐井曉寒千乳

飲茗園春嫩一旗開趙宗道江浦嘔啞風送榜河橋勃窣柳垂隄注司馬相如賦云

感粉壁已沉題鳳字酒壚猶記姓黃人塞頡利請盟金七酒將軍歸卧玉門關殘長

樂夢回春寂寂武陵人去水迢迢侯彩雲按曲青岑醴沉水熏衣白壁堂前檻蘭茗

依玉樹後園桐葉護銀牀津西北浮雲連魏闕東南初日照秦樓古別佳人挾瑟漳

河曉壯士悲歌易水秋色欺曹國麻衣淺寒入荆王翠被深次韻徐侏儒自是長

三尺游統都來直數金夏睡驚燕語頻移枕病起蛛絲半在琴風調與二公可相伯

仲起結尤多得義山神理不具錄

附錄筆記又云宋初文士稱高梁柳范謂高弁

梁周翰柳開范杲也在楊劉之前而人多不知

宋初潘閻跡跡不羈然其詩實有可觀如久客見華髮孤權桐廬歸初月無朗照落

日有餘暉漁浦風水急龍山煙火微時聞沙上雁一一皆南飛右詩在唐人中亦推

高作古夫于亭雜錄并錄一

分付久客見華髮孤棹桐廬歸新月無朗照落日有餘暉漁浦風水急龍山煙火微

餘話

時聞沙上雁一一皆南飛右宋初潘閬詩也高妙不減岑嘉州又夜涼疑有雨院靜若無僧亦佳句故友施侍讀愚山閬章宿越州天衣寺云月照竹林早露從衣袂生亦不減閬語

中州集載楊雲翼詩金波曾醉雁門州信有人間五月秋萬古河山雄朔部四時風月入南樓云云誠佳作也近李梅屋中丞和基代州詩云誰識雁門今夜月山川別樣在水壺亦是佳句而彼土之高涼可以想見矣

宗柎按金波曾醉云云乃開趙公代州詩次句作端有人間六月秋後半云漢家戰伐雲千里唐季英雄土一邱繫馬朱闌重回首煙波誰在釣魚舟全篇載中州集三卷非文獻作當時楊趙並稱山人因之誤記爾

金李汾長源詩煙波蒼蒼孟津戍旌旗歷歷河陽城不減少陵東坡已上分廿餘話

伯庸家世雍古部人至其父始家光州為御史嘗劾姦臣鐵木迭兒十大罪以勁直聞非僅文章之士也然史稱其文宏瞻而精核以先秦兩漢為法詩圓密清麗大篇短

章皆可傳其詩文益有過人者漁洋文

附錄居易錄元馬祖常伯庸石田文集十五卷至元五年奉旨刊行宏治中都御史熊鼎重刊本與祖常皆光州人也元代文章極盛色目人著名者尤多如祖常及趙世延李木魯種康里夔夔賈雲石辛文房薩都刺輩皆是也伯庸文五卷向屢從劉欽謨中州文表見之有文而無詩康熙己巳冬抄于竹垞寓齋得觀此本留旬日而歸之三序李東陽熊鼎二序原王守誠闕陳旅

所安遺集一卷元長沙進士陳秦志同著歌行馳騁筆力有太白之風在元人諸名

家中當居道園之下諸公之上而名不甚著豈名位卑耶

蠶尾文

元傅汝礪若金詩集八卷有范德機揭曼碩序洪武壬戌刊本歌行頗得子美一鱗片甲七律亦有格調視南宋俚俗之體相去遠甚時借朱竹垞蠶尾文作竹垞太史鈔本宋元人集十數種如行黃芻白葦間忽逢嘉樹美箭為之眼明若金妻孫淑字蕙蘭亦工詩見陶南村輟耕錄集中湘臯煙草綠紛紛淚灑東風憶細君其悼亡之作也

陵陽集二十四卷元初牟嶽獻之著詩有盛宋時坡谷門風題跋亦如之雜文皆典實詳雅其九日詩序云陶公再為建威參軍劉裕幕府也忽棄去為彭澤令未幾又棄去裕是時已有異志劉穆之寔死不與九錫王宏自江北來首以此議風朝廷裕遂移晉祚而宏為吏部尚書為江州刺史遂被心腹之寄既來江州柴桑近在境內於陶公時悵悵焉豈非內懷前愧欲附高人勝士以自湔被耶陶公未易致則使人中路具酒食候其出醉而要之庶幾一見斯已甚迫則亦可以見我胸懷本趣固有在豈端為一王宏哉適乘籃輿足以自返其視華軒為何物而宏欲以此榮其歸此又可一笑也云此論發蠶尾文無發字前人所未發蠶尾文有特錄之三字詩五言亦佳不具錄獻之蜀陵陽人清惠公存齋子寓吳興所與遊蠶尾文作遊與疑好者如劉會孟戴帥初仇仁近周公謹趙子昂兄弟皆一時名勝可以知其人已元翰林直學士諡文清宋聚燕石集與石田集皆奉旨刊行元時崇文如此或謂九

儒十丐當是天厯未行科舉以前時語耶文清詩溫潤清麗濟南數篇偶錄于此渡  
濟河初見近城諸山云華山高聳離山東一帶煙霏翠掃空安石從來多雅興卻如  
新婦閉車中秋與呂仲實清話憶李溉之內翰云大明湖上水涵天月色偏宜李  
謫仙應笑吾曹煞風景碧梧牕下對燈眠兄本官國子祭酒謚正獻工于古文時號  
二宋

元張翥蛻菴集四卷衡山釋大籽北山編集洪武三年錫山郎成鈔本成不知何許  
人書法妍妙逼真佛遺教經亦古物之可寶惜者蛻菴元末大家古今詩皆有法度

蠶尾文有蒼辣不及虞道  
園而情致殊勝凡十二字  
宗柎附識承旨字仲舉蛻菴其別號也曩嘗購得其詩集卷尾有學圃李崇系跋  
云是集久無刊本傳世從金亦陶手鈔全本借錄凡五卷案經籍志蛻餘集二卷  
或云三卷未知孰是承旨詩餘清新宕逸有碧山白雲風致金元間自遺山先生  
外邈焉寡傳蛻菴樂府二卷傳鈔尤少愚訪求數十年不獲一觀誠倚聲家之闕  
也事

元黃鎮成元鎮秋聲集四卷予愛其秋風詩云秋風淅淅生庭柯蕭蕭木落洞庭波  
紅樹夕陽蟬噪急白蘋秋水雁來多王孫不歸怨芳草山鬼欲啼牽女蘿兼葭蒼蒼  
白露下望美人兮將奈何又李仲明秋山小景云家住夕陽三峽口人行秋雨二嶠  
間不知何處真堪畫移得柴門對楚山五曲精廬云歌棹曾窮九曲源精廬迢遞隱  
屏前閑尋五曲樵溪上三十六峯秋滿船甚有風調按諡法通考鎮成郟武人至正

閒論貞文處士已上居易錄

余最愛范德機雨止修竹間流螢夜深至兩句少時曾擬作一聯云螢火出深碧池荷聞暗香按元吳師道禮部集云聞諸危太僕秋夜雨先生微步山中得此句喜甚且曰句太幽殆類鬼語須以他語映帶之乃足成此篇觀衆仲此跋知至寶當前識者無不能辨之也

漁洋詩話

并錄一

香祖筆記范德機嘗得十字云雨止修竹間流螢夜深至既復曰語太幽殆類鬼作吳正傳師道禮部集一條云聞之危太僕昔與先生秋夜不寐微步山中得此二句喜甚且曰云云當以他語映帶之因足成此章云右二語果佳余少時有句云螢火出深

碧池荷聞暗香故友葉文敏詡菴方極喜之取入獨賞集

徐禎卿洞庭葉未下瀟湘秋欲生一篇非太白不能作千古絕調也曹學佺亦有秦淮送別一篇云疎籬豆花雨遠水荻蘆煙忽弄月中笛欲開江上船情致殆不減徐徐五集中有一絕云渺渺太湖秋水闊扁舟搖動碧琉璃松陵不隔東南望楓落寒塘露酒旗曹一絕可以相敵新林浦云夾岸人家映柳條元暉遺跡草蕭蕭曾為一夜青山客未得無情過板橋池北偶談

古今文人有名不大著而其詩實卓然名家者世人多耳食抑何從知之如歸田錄所載謝伯初景山送永叔謫夷陵詩中聯云長官衫色江波綠學士才華蜀錦張下

國難留金馬客新詩傳與竹枝孃明欽天監博士馬軾字敬瞻送岳季方閣老云五嶺瘴高煙蔽日兩孤雲濕雨鳴秋結句祭罷鰐魚歸去晚刺桐花外月如鉤右二詩即使當世專門名家操觚染翰未必能到論者不可徇名而失實故特表而出之并錄一

漁洋詩話

古今來詩佳而名不著者多矣非得有心人及操當代文柄者表而出之與煙

草同腐者何限宋歐陽文忠謫夷陵許州法曹謝伯初景山以詩送之云長官衫色

江波綠學士才華蜀錦張下國難留金馬客新詩傳與竹枝孃明岳文肅正外謫欽

天監博士馬軾送以詩云五嶺瘴高煙蔽日兩孤雲濕雨鳴秋又云祭罷鰐魚歸去

晚刺桐花外月如鉤使當時專門名家操觚腐豪未必能道也

明詩至楊升菴另闢一境真以六朝之才而兼有六朝之學者其詩如詠柳垂楊垂

柳縮芳年一篇世共知之又古意凌波洛浦遇陳王鷓鴣詞秦時明月玉弓縣關山

月迢迢賤妾隔湘川出關擬唐人狼孤芒角正彎環塞下曲長榆塞上接龜沙諸篇

工妙天成不減前作又青蛉行寄內絕句亦絕妙大抵皆自古樂府出益都王遵坦

太平論明詩獨推新都為性之者亦自有見已上香祖筆記 并錄二

全上夜夜月為青冢鏡年年雪作黑山花唐人尉遲匡詩也匡以詩干李林甫反遭

斥辱雲溪友議具載其事而未見全篇升菴補作塞上曲極工今載集中

居易錄升菴客滇遊其門者自六學士外又有隱士董難難字西羽太和人常輯轉注

古音著韻譜滇志列隱逸傳曾見其題玉局寺一詩極佳錄之杜鵑枝上春可憐杜鵑聲裏雨如煙萋萋滿目芳草碧香杳一髮青山懸忽悲麥秀客遊次卻憶棟風花信前惆悵池塘綠陰樹驚心一曲南薰絃風格宛似升菴

康熙已來詩人無出南施北宋之右宣城施閏章愚山萊陽宋琬荔裳也昔人論古詩十九首以為驚心動魄一字千金施五言云秋風一夕起庭樹葉皆飛孤宦百憂集故人千里歸嶽雲寒不散江雁去還稀遲暮兼離別愁君雪滿衣此雖近體豈愧十九首耶已未在京師登堂再拜求予定其全集宋浙江後詩頗擬放翁五古歌行時闖杜韓之異康熙壬子春在京師求予定其詩筆為三十卷其秋與予先後入蜀予歸之明年宋以臬使入覲蜀亂妻孥皆寄成都宋鬱鬱歿於京邸此集不知流落何地矣

池北偶談 并錄二

漁洋詩話康熙辛亥宋荔裳玩施愚山閏皆集京師與余兄弟倡和最久明年壬子荔裳

補官蜀臬余典蜀試先後出都門既而余以十月下峽荔裳以明年春上峽遂不相

見是歲荔裳入覲歿於京師後二十八年庚辰余官刑部尚書荔裳之子思勅來京

師以入蜀集相示亟錄而存之集中古選歌行氣格深穩余多補入感舊集略其二

三短章於此次黃州云賦成赤壁人如夢江到黃州夜有聲憶故鄉海錯絕句銀刀

一名八云銀花爛熳委筠筐錦帶吳鈎總擅場千載鱗諸留俠骨至今兀著尚飛霜

筆管煙云雕蟲小伎舊知名食邑由來號管城曾與江郎書恨賦莫將刀筆博公卿  
題督郵爭界石云蜀國至今悲杜宇楚人終是戀鴻溝可謂精切著題

全上余論當代詩人目曰南施北宋施謂愚山宋謂荔裳二君集皆經余刪定又嘗  
取愚山五言近體詩為主客圖一卷今施集尚存其家未能版行宋集經蜀亂失其  
本矣

帶經堂詩話卷九



Faint vertical text columns, likely bleed-through from the reverse side of the page. The text is illegible due to fading and low contrast.

帶經堂詩話卷十

漁洋山人

衆妙門二

指數類上

陳無已平生皈向蘇公而學詩於黃太史然其論坡詩謂如教坊雷大使舞又有詩

云人言我語勝黃語扶豎夜燎齊朝光其自負不在二公之下然予反復其詩終落

鈍根視蘇黃蠶尾續文有果位二字遠矣任淵云無已詩如曹洞禪不犯正位切忌死語恐未盡

續文然續文無作能然下文予獨愛其二律云林廬煙不起城郭歲將窮雲日明松雪溪山進晚

風人行圖書裏鳥度醉吟中不盡山陰興天留憶戴公又白下官楊小弄黃騎臺南

路綠無夾舍紅破白連連好度水吹香故故長蹲滑踏青穿馬耳轉危緣險出羊腸

熟知南杜風流在預怯排門有斷章后山集南陽王文莊公鴻儒宏治十二年刻於

潞安有公序及魏衍集記元城王雲天社任淵二序詩十二卷六百七十九首雜文

八卷一百六十九首談叢理究詩話長短句附焉共三十卷池北偶談

宋刻晁公邁子西嵩山集五十四卷公邁公武子止弟也古賦一卷神女廟賦最奇

麗詩在叔用无咎之下頗蠶尾文作聞有警策如人生漢南樹風物劍西州一年風物倉

庚報萬里鄉心杜宇知萬里艱難炊劍首十年流落夢刀頭又秋江水清不勝綠還

與漢江顏色同望中白鳥忽飛去落日丹楓相映紅江秋折得寒香日暮歸銅餅添水

養橫枝書牕一夜月初滿卻似小溪清淺時詠餅征衣消盡洛陽塵泣向東風拭淚

痕不及青春歸有信一年一到樂遊園賦不見呆愚闕于今已十春素衣不忍棄為

有洛陽塵有感皆佳集中多與師伯渾倡和之作師渾蜀人見陸務觀集

宋嚴粲坦叔華谷詩集一卷氣格卑弱類晚唐之靡靡者一二絕句差有可觀如秋

入白蘋風浪生癡雲未放楚天晴青山湖外知何處中有斜陽一段明秋昨夜湖心

共泊船一天星露宿寒煙朝來極目無洲渚知採蘋花何處邊宿石潭寺稍有唐人

音節華谷作詩緝林希逸以為在歐蘇王劉東萊諸鉅儒之上今盛傳其書又稱其

五七言幽深天矯意具言外觀此集殆不然也集中贈李賈詩云汝與吾宗好注賈

與嚴滄浪遊華谷與滄浪蓋有宗族之誼詩派相似而差不及戴石屏贈二嚴詩云

前年得嚴粲今年得嚴羽我自二嚴牛鐸諧鍾呂

宗柎附識詩緝三十六卷原本孫公則謂嚴氏太巧只似開明然遠云在歐蘇王

竊謂詩學自為一宗視他經稍別惟虛與委蛇有必情如林氏序非會其旨於

數章發其微於一字亦以禮之意逆志之法也難言外之旨矣又按嚴氏是又旨於

情引唐所云鄭康成以三禮之意逆志之法也難言外之旨矣又按嚴氏是又旨於  
郭祥正功父青山集閩謝氏寓本六卷古詩二卷近體詩四卷七言歌行僅二篇或

有闕文也祥正多與王安石倡和之作詩格亦不高偶喜其三絕句云原武城西看杏花紛紛紅雪委泥沙何如姑孰溪頭見照水蒙煙小謝家又渡江乘興泊江干草襯殘花色未乾慣在釣魚船上住一簑一笠伴春寒又籃輿投曉出重城桃李無言似有情淡白輕紅能幾日可憐吹洗過清明又稻秧才一寸蠶子始三眠

宋樓宣獻公鑰攻媿集八十五卷溫陵黃氏寫本詩僅九卷宣獻與楊誠齋范石湖

陸放翁同時詩亦石湖伯仲歌行學蘇黃氣或不道格詩苦鈍然不為楊范佻巧取

媚七字如行盡杉松三十里看來樓閣幾由旬一百五日麥秋冷二十四番花信風

水真綠淨不可唾魚若空行無所依雖宋調亦佳句也亦見蠶尾文

附錄此條前段雜文七十六卷諸體中題跋最勝宋集多叢冗此集如表狀內外制書啟之類刪去半部亦可又云宋人工於題跋海虞毛氏汲古閣刻入津逮者不下十餘家予讀樓宣獻攻媿集題跋多至十數卷往往可稽掌故而毛氏遺之

西塘先生集九卷宋福清鄭介公俠著詩文似石守道而無其怒張叫喚之習有德之言仁者之勇彷彿見之古詩如古交行呈子京等篇在樂天東野之間近體和荆

公何處難忘酒一章令奸邪九原之下猶當慚汗已上居易錄

康熙己巳庚午間在京師每從朱錫鬯黃俞卬借書得宋元人詩集數十家就中以長沙陳泰志同為冠因抄其所安遺彙一卷以周弼伯弼汶陽棗臨江鄧林性之皇

琴曲金華杜梅仲高癖齋小集附之數子者名不甚著而其詩實足名家亦見臨尾續文并錄之

錄  
居易

南宋詩小集二十八家黃俞邵鈔自宋刻所謂江湖詩也大概規撫晚唐調多俗下惟番禺姜夔堯章白石集汝陽周弼伯弼端平詩雋臨江鄧林性之皇芻曲三家最可觀白石詞中大家與誠齋石湖遂初諸老友善伯弼即編三體唐詩者鄧姓字稍僻然其樂府絕句甚有義山之風益鐵中錚錚者也三君詩予手鈔之餘一二佳者做摘句圖附于後

開封趙汝錕明翁野谷集五言律詩有佳句七言俚俗歌行漫無音節頗挫後村序乃謂跌宕頗挫真刺蛟縛虎手又許以建安黃初妄矣 喬松二十里翠微三五家塵埃雙老鬢天地幾斜陽持觴送南浦鳴櫓下東甌風霜先遠客天地獨扁舟秋影清涵水煙痕淡著山蘭風香楚佩竹淚冷湘斑任梅斜到牖聽竹長侵塔雨茶烹顧渚春酒醉烏程醉行沙市月吟破渚宮秋楚岸猿吟樹湘江月滿船晚紅殘照在秋碧遠山橫煙巖松葉暗風陌稻花香孤雁影誰伴亂蛩吟不休曉清秋已到葉落客先聞歸雲起齋鉢高浪送行舟笠戴天童雨鞋穿雪竇秋一年春易老雙鬢雪難消煙松迷五鬣風柳起三眠蓬響過雲雨帆開逆木風波及無忘晉渠成亦利秦籬落一團飛蛺蝶汀洲數點立鷓鴣 笠澤葉茵景文吟景 杜宇鄉心重楊花世事輕曉霧沉山色春禽和水聲一泉走石夜多雨萬竹圍松風似秋 天台戴復古式之石屏集石屏以詩名而多直率氣骨終勝耳 春水渡旁渡夕陽山外山黃花一杯

酒白髮幾重陽忽聞啼鳥不知處細看好山無厭時一百五日客懷惡三十六峯春  
雨愁梅邊竹外三杯酒歲尾年頭幾局棋綠陰亭上又詩成巾子山翠微閣云雙峯直上與天參僧共  
照明吏散庭堦一無事綠陰亭上又詩成巾子山翠微閣云雙峯直上與天參僧共  
白雲棲一菴今古詩人吟不盡好山無數滿江南馬上云青松路徑白雲關有客來  
尋半日閑十載灞橋驢子上爭如騎馬看廬山 四明高似孫續古疎寮集劉後村  
謂能參誠齋活句者四聖觀詩後村亟賞之詩云水明一色抱神州雨壓輕塵不敢  
浮山北山南人喚酒春前春後客凭樓射熊館暗花扶屐下鵲池深柳拂舟白髮邦  
人能道舊君王曾奉上皇遊 花知西洛事雁叫北人心山橫赤壁含情斷水出瞿  
塘快意流 建安葉紹翁嗣宗靖逸集 古柳無多樹新蟬第一聲西湖秋晚云愛  
山不買城中地畏客長撐屋後船荷葉無多秋事晚又隨鷗鷺過殘年北關云脫衣  
命僕浣塵埃籬落人家未見梅出得城門能幾步船頭便有白鷗來 臨川危稹逢  
吉巽齋稿 蛾眉對酒舞涼伊舞身還逐歌聲齋卷花萬段忽進酒關高蛺蝶飛來  
低 斯植建中采芝集 相逢春草外歸隱石房西春風思華嶽夜雨夢瀟湘住當  
南嶽寺門對赤城霞月過東西浦潮分遠近山水國今宵別天涯隔歲歸春歸芳草  
暗雲入暮山長野雲依水樹春雨閉山城鐘聲兩寺合人影一溪分路長沙烏盡人  
在翠微深落花千點恨疎雨一簾風野店春寒雨江城橘樹林斷雲連雨雪落日遠

人煙鳥啼山雨急春盡故人稀煙波春雨渡燈火夜漁却島雨連秋曙江風入雁聲  
滿山晴葉雨四壁暮蛩秋一夜霜欺鬢連朝雨送愁桃花曉落水流去山鳥晚啼風  
送來遠山云萬里色蒼然寒林夕照邊舊過南嶽寺曾向雨中看鳩云何處芳草多  
相呼向深塢竹外立寒枝山南又春雨雪中寄巖泉云吟罷新詩祇自看晚風吹恨  
上闌干夜來雪滿前山路誰對梅花說歲寒此君及趙汝錡五言皆多佳句而無遠  
神 羅與之與甫雪坡橐 因沽江畔酒始見竹間梅一夜西風急千山落葉深閒  
吟小山賦歸思大江流山居云雨作糟牀注秋生鱸膾思卷簾了清景流水裊煙絲  
河陽張弋彥發秋江煙草 夏新看藕葉夜久見蟾珠春詩定多少旬日又清明

前路逢梅處同誰倚棹看雲為今夜雪梅發去年枝 金華杜旃仲高癖齋稿歌行

有張王風調如綠珠行明鏡行王粲宅別魏元長書懷諸篇皆可誦送陸放翁赴召

長句最佳 滄洲高九萬菊圃集 半夜雨聲急一谿流水深桐花快落春風老梅

子微酸晚雨晴老淚怕從衣袂見閑情但有帽簷知題小姬扇云湘湘未識羞獨坐

抱筇篻貪學耆婆舞擡身拜部頭春懷云江南春盡尚春寒添盡征衣獨掩關日暮

酒醒聞謝豹所思多在水雲間臨平云征颿一似白鷗輕起揭船篷看晚晴梅子着

花霜壓岸自披風帽過臨平田父辭云啄黍黃雞沒骨肥繞籬綠橘綴枝垂新釀酒

旋裁衣正是婚男嫁女時 三山陳鑒之剛父東齋集稍有江西風氣而筆力苦孱

踏徧苔溪石梅花又滿林花淡水紋麗鳥啼人意閑彎彎竹徑微微雪小小溪橋淡  
淡雲畫蘭云托跡不辭巖谷深異于蕭艾亦何心清風披拂自多事斜日淡雲香滿

林建安徐集孫義夫竹所吟橐齋板鷺閒鷺苔碑卧夕陽清源胡仲參希道

竹莊稿門掩梅花月禽翻竹葉霜界首云幾重嶺隔幾重灣路入濛濛煙雨間獨

立溪橋重回首前頭已是劍州山開封趙崇鈿元冶鷗渚吟都昌即事云世事

可無酒春藤還有花山雲欲到地街鼓又催衙風緊魚休市官貧飯帶沙天機不得

問暮色欲棲鴉湖中云汀蒲獵獵起涼颼碧藕香中獨立時機事兩忘吾喪我扁舟吟

過水仙祠柯山毛珣元白吾竹稿丹陽館一篇最警策渡江南來第一驛幾度

華堂延雁客百年運逐曉雲空愁殺親官老無職南徐今日古陽關不斷歌聲祖離

席國讐已復事尤多折損年年春柳碧臨江鄒登龍震父梅屋吟有真西山劉後

村戴石屏三跋詩稍優于做古梅花云約臂金寒拓綺疏搔頭玉重壓香酥含章

簷下新妝額試啟菱花得似無江南春云玲瓏樓閣江城晚楊柳絲絲凝碧煙飛

燕不歸春滿地百花香裏聽啼鶯括蒼王琮中玉雅林稿涼從曉來覺秋向雨

中深九十日秋蛩共語兩三夜雨雁供愁四明陳允平衡仲西麓稿斷腸春洛

浦殘夢夜瀟湘簾卷千重樹窻開四面山樓臺秋淡玉簫遠簾幕夜寒銅漏遲明月

鷺鷥菱葉浦西風蟋蟀豆花籬江南謠云柳絮飛時話別離梅花開後待郎歸梅花



開後無消息更待明年柳絮飛登西樓云楊柳飄飄春思長綠橋流水繞宮牆碧雲望  
斷空回首一半闌干無夕陽餘如建安張至龍李靈雪林刪餘壺山許棐沈父梅屋  
橐浮玉施樞知言橫舟橐荷澤李龔和父梅花初南徐朱南望學吟盱江余觀復中  
行北牕稿概無足錄

全上竹垞輯宋人小集四十餘種自前卷所列江湖詩外如劉翼躔父心游摘橐問

道論詩也一宗燒柴煨芋佛家風要知真樂人間少聽雨空山破寺中山寺聽雨林希逸

虞齋十一橐寬心可要流香酒圓夢何須正焙茶明皇按笛達磨渡蘆二圖長歌

皆佳又六言蚯蚓兩頭是性桃花一見不疑了得葛藤三昧卻參莽官諸詩虞齋為林艾軒

理學嫡派而詩多宗門語虞齋有全集教陶孫器之臞翁集古詩歌行頗有盛時江西風氣其詩評尤

為談執家所推引朱繼芳季實靜佳集屈指秋風與雁期陽關西去到何時側身一

望腸堪斷天似穹廬碧四垂客路不踏長安十二門鷓鴣飛處數家邨停橈試向灘頭

問可是嚴光末世孫漁父緩行松葉滑小摘藥苗稀招隱大江流禹蹟老樹見秦時登魚

啞垂絲柳鷗眠折葉菱湖青天浮渤澥白日走崑崙對酒騷客五花唐殿馬主家七葉

漢宮貂謝野水郎君召飲金陵王氣水東流流到淮南古岸頭夜半一聲天上曲錦帆天子

下揚州揚州相逢已恨十年違買酒吳山詩明日送春仍送客柳花風颺鬢絲絲

題李秋卷老眼看花興未厭不知頭上雨廉纖流鶯浪語春風恨誰拗花枝插帽簷遊甘

我登滄浪亭復歌滄浪曲歌竟復長歌杳山水綠天風吹散髮山月照濯足為謝

獨醒人漁家酒初熟滄浪風月林尚志潤叟端隱臺江亭飲罷起離愁何事西風又越遊

潮信欲來人欲去夕陽紅蓼滿汀洲適越留別杜宇一聲詩思減楊花三月客愁多春日留

客醉終日愛花吟過春贈許陳必復死咎山居臺冷煙寒食月小雨浴蠶天百五一節

夜簷花雨十年江樹春贈張蘆蓼作秋意汀洲生晚寒舟行人家半在桑柘住春水忽

迷蘆荻叢舟中微東坡

劉過改之龍洲集叫囂排突純是子路冠雄雞佩豨豚氣象風雅掃地劉仙倫叔擬

招山集頗乏警秀七言山僧幾輩雪垂領水鳥數聲雲滿谿西黃文雷希聲看雲集

差有骨力長句西域圖記昭君曲甚佳又獄吏但能書牘背相君終欲割鴻溝東林拜岳

王遺像黃大受德容露香拾臺虎穴山川險蛟涎草木腥白水武衍朝宗藏拙臺皆絕

句多佳作如牡丹春樂正穠華有旨今年不賞花剪落金盤三百朵內批分賜近臣

家宮詞補遺桂華珠殿水精樓柘袖籠香乙夜遊飛下銀橋人不覺月明三十六宮秋元開

廣寒靈和殿裏最風流三月飛花滿御樓換得五人眉樣巧一春渾不下簾鈎柳枝飛

鷓鳴鑣鼓吹喧繁華應勝渡江前吟梅處士今還在肯住孤山爾許年湖上寶髻無光

玉貌昏銜悲空感舊承恩君王愛問先朝事時許車兜到殿門侍輦看花上苑春太

皇宣索鳳笙頻如今猶記當時曲對譜開教小內人老宮鈿車輕轆轤芳塵步鄧香

移一片春花下玉盤行禁鬱御前宣勸到湖濱遊貴疊疊滄波隔亂山白鷗飛去復飛

還吟邊好思無多子只在孤鴻落照間吳月塔院粉靨嬌春掌上輕玉琴聲裏見深情

花邊欲別重回首猶恐絲絃說未明客既碧雲千嶂合紅樹九秋深晚松陵寒食梨花月

新晴楊柳風愁消山色裏興極酒杯中綠髮日夜變青春今古同忍教行樂地容易

夕陽紅亭飲湖張蘊仁溥斗野集春風酒棹湖堤柳晚月吟羈輦路花偶春朝雲生不沒

仙人跡丹化猶啼搗藥禽洞天丹青嶺樹明寒葉小墨江天噪亂鴉東連山黃獨雪

一雁白蘋風雪暑退涼生體氣佳捲簾聽雨感年華西風葉葉梧桐冷開遍庭前白

鶴花思秋憶著前遊十四年三高祠下夕陽船無錢買得鱸魚鱠吟就橘花香裏眠虹垂

劉翰武子小山集淒涼池館欲棲鴉彩筆無心賦落霞悵悵後庭風味薄自鉏明月

種梅花梅種送客歸來月滿簷梅花微笑隔疎簾酒醒今夜銀屏冷沉水熏爐旋旋添

去長句鴻門宴玉斗歌吳門行皆佳張良臣武子雪總集叢叢竹雀關人家農事春

來漸有涯品字柴頭煨正暖不知風雪到梅花示長蘆白鷺悠悠去不還渚雲汀草

一生閑暮年不入西州路空倚梅花說住山吳興投三十六陂春水綠四十九年人

事非揚子江頭永嘉後吳儂蕩槳北人稀感帖帖平湖印晚天躡歌游女臂相牽鳳

城半掩人爭路猶有胡琴落後船晚西歸趙希格誼父抱拙集市井蕭條景物非居人

猶號永和隄春山十里斜陽樹漠漠殘紅杜宇啼平過臨利登履道散橐擁巖千修篁

中有寒泉飛遊佛何應龍子翔橘潭臺樓上佳人唱渭城樓前楊柳館離情一聲未

是難聽處最是難聽別第四聲沈說唯肖庸齋集海明看出日山晚倦行春何贊府

釋永頤山老雲泉集手攜一束書秋風獨來此松深孤月明水冷夫容死時看澗鼠

來食我山茶子西峯拒霜花落碧潭秋嬾向山巔水際遊貪看夕陽烏柏樹白雲紅

葉亂溪流晚秋獨聽子規叫况逢山月明冷泉溪色乍涼雙鷺下雨聲纔絕一蟬鳴憶

薛嵎仲止雲泉集二十里松聲千山雪未晴太白巖陰常候雨松色不知春真隱

雪渡溪流澀厨煙柏葉香開芳草思無際春風情最多晴隨身惟一鉢留偈別雙松

松風隆離家買湖石開印對中山送台湖水涵秋霽風荷動夕陽舍俞桂希却漁隱

橐西風蕭瑟入船牕送客離愁酒滿缸好記此時分袂處暮煙微雨過松江送人萬天

民無懷集月趁潮頭上山隨舵尾行大江中夜滿雙櫓半空鳴訪端一杯殘臘酒萬

古夕陽愁後寒食少逢天氣佳十日九日雨如麻新巢初見燕生子小巷已無人賣

花即花枝照眼堂堂去若椀關心故故香上下塘六月關心處西塞扁舟入手時荷

浦姚鏞希聲雪蓬集病起春風過閒居野草生懷頭風帆逆水上江鶴背人飛廬王

戴溪頭小隱仙漁翁引上雲溪船幾回倦釣思歸去又為蘋花住一年曠雪雨徑生

新草風林受落花居踏雨來敲竹下門荷香清透紫綃裙相逢未暇論奇字先向水

邊看白雲訪中右諸人惟葛天民及與楊誠齋相倡和劉改之亦前輩人餘多摹擬

四靈家數小氣格卑風氣日下非復紹興乾道之舊無論東京盛時已可一慨也

宋蠶尾續文宋字臞翁詩集一卷長樂教陶孫器之所著器之非江西詩派中人而

詩深得江西之體其評詩最精嘗續文作當自云此評手書兩紙一貽蒲陽劉潛夫

一貽同舍朱仁叔其自貴重如此韓平原當國時題詩臨安酒家壁弔趙忠定公云

九原若遇韓忠獻休說渠家末代孫幾罹于禍亦奇男子也

魏野詩數聲離岸櫓幾點別州山一篇最佳王彥輔記其一絕亦有風致可喜城裡

爭看城外花獨來城裏訪僧家辛勤旋覓新鑽火為我親烹嶽麓茶已上香祖筆記

元陳樵鹿皮子集四卷詩學温李寒食詞一篇有麥秀黍離之痛古賦頗工

元臨川何中太虛集吳草廬序吳與何中表兄弟也中善五言詩近體亦冲澹蠶尾文

如聊隨碧溪轉忽與白鷗逢小雨十數點淡煙三四峯葉落半藏路清風時滿溪寒

沙梅影路微雪酒香村湖雪殘波岸船燈獨夜人西風一夜雨丹桂滿林花皆有唐

風又絕句冰合金河雪暗關內家難覓一枝寒祇應獨結梅花伴水遠山長盡意看

見梅深淺柴煙曲塢閒杉皮小屋遠幽潺紫苔青石梅花路隨意閒看雲後山黃沙

又絕句至黃沙道中一段蠶尾文無中自序有易類象三卷書傳補遺十卷通鑑綱目測海三卷通書

問一卷吳才老叶韻一卷六書綱領一卷補六書故三十二卷蘄邱述遊錄一卷摺

頤錄十卷知非堂稿十七卷外稿十六卷今詩稿止十六卷蠶尾文作今詩已上居

止十六卷耳 易錄

明戶部尚書邊貢詩朝望長白山暮望長白山山色有朝暮吾心常自閑

崧少山人張鯤石刻絕句在醴泉寺范祠危閣煙霞出峯簷麋鹿來春泉落西澗聲

遠讀書臺風畫谿楊色煙春嶺蕙香人言背絕壑纔是上書堂山護埋金窟泉通畫

粥厨傳經衣盃在常伴老龍圖靈刹羣峰合名祠半日遊難逢浮海術易集下山愁

按鯤釣州人州今禹官副使已上漁洋文并錄一

漁洋詩話鄒平長白山醴泉寺即范文正公畫粥處四山環合一谿帶紫池北偶談作紫谿上有

范公祠祠中多前代石刻有嘉靖十三年崧少山人張鯤八絕句最佳節錄於左危

閣煙霞出峯簷麋鹿來春泉落西澗聲繞讀書臺此下偶談多一首云臺前碧玉樹葉葉上青霄工師求大木陸棟萬

年朝餘俱全風畫谿楊色煙春巖蕙香人言背絕壑纔是上書堂山護埋金窟泉通畫粥

厨傳經衣盃在曾伴老龍圖靈刹羣峯合名祠半日遊難逢浮海術易集下山愁鯤

河南釣州人詩名不甚著而詩之工如此

南海少為諸生有聲旋棄去學浮屠法名字山居羅浮久之出

游吳越又數年忽加冠巾游秦隴與秦中名士王無異宏撰李天生因篤輩為友作華嶽

百韻詩固原守將某見而慕其才以甥妻之愛玩少室賦詩云同棲紅翠三花

樹對寫丹青五岳圖自固原攜妻至代州上谷再遊京師下吳會自金陵歸粵妻隨

病死之詩尤工於山林邊塞一代才也同時王邦畿字說作梁

佩蘭字芝五王鳴雷字震生陳子升字喬生皆廣州人工詩  
孤棹寒湘共此心離憂在湘水古色滿衡陽又鄉山小別吟兼夢水驛多情浪與風  
枕柳過雨垂空地瑤瑁乘潮上古城之類皆佳說作句如雲低滄海樹潮上夕陽城  
曙色寒山外秋風古渡前殊近錢劉又有絕句云昨冬歸去今春信言是端陽入楚  
山吟取荊州舊時事洞庭秋盡客應還喬生昔昔鹽云鴛鴦樓外烏欲棲玳瑁梁聞  
燕吐泥月暈圓隨漢東蚌天河傾向汝南雞萬方儀態華燈出一笑橫陳翠帳低愁  
見曉鴻征塞北不知天將定遼西又有南中塞下曲一篇極似楊用修格調  
予曾為選百篇以為唐宋以來詩僧無及者五律如帆隨南岳轉雁背碧湘飛久病  
悲歡盡新寒衣袖重絕句如熒熒桃李花薄命寄君掌河水雖東流河魚自西上又  
歸風詞南越輕綃似碧雲裁為飛燕御風裙中流舞罷將仙去萬歲千秋復就君客  
雁門云三年作客傍滄沱聽盡哀笳出塞歌白髮不愁明鏡滿秋霜只怨雁門多此  
類不能悉記也予嘗語程職方云君鄉東粵人才最盛正以僻在嶺海不為中原江  
左習氣熏染故尚存古風耳

并錄三

居易錄 南海

寄予詩索南海集云酷似高人王右丞在官蕭散意如冰時

名兄弟堪方駕家學文章自一燈滄海乘槎曾獨到越山懷古記同登南來新詠多  
如許紙貴衡陽寫未能嶺南耆舊今唯

梁樂亭在予乙丑別于佛山

今六年矣。詩如離憂在湘水古色滿衡陽映花谿路閉漱水石根虛積雪迴孤棹寒湘共此心積雨江漢綠歸心楊柳初三徑草生殘雨後數家門掩落花中鄉山小別吟兼夢水驛多情浪與風檳榔過雨垂空地瑋瑋乘潮上古城皆唐賢佳句也

有

集小賦尤工行草分隸皆有法

漁洋詩話

東粵詩自

程梁

之外又有王邦畿說作王鳴雷震生陳子升喬生伍瑞隆

鐵山數人皆有可傳說作句如雲依滄海樹潮上夕陽城曙色寒山外秋風古渡前

殊近錢劉又有絕句云昨冬歸去今春信言是端陽入楚山吟取荊州舊時事洞庭秋盡客應還喬生昔昔鹽云鴛鴦樓外烏欲棲瑋瑋梁間燕吐泥月暈圓隨漢東蟬天河傾向汝南雞萬方儀態華銓出一笑橫陳翠帳低愁見曉鴻征塞北不知天將定遼西南中塞下曲云膠寒竹箭猶揚越笛散梅花已漢關小月陣前雲出海骨都營外火連山江邊玉帳樓船度馬上金錢御府頒百尺高臺兩銅柱漢家何日拓南蠻頗似楊用修格調

全上伍瑞隆字錢山香山人竹枝詞云蝴蝶花開蝴蝶飛鷓鴣草長鷓鴣啼庭前種得相思樹落盡相思人未歸

浙川志載縣人彭侍郎

凌霄龍巢寺詩句云殘碑猶宋字逝水自秦川最佳侍郎字用

沈萬厯甲辰進士先方伯公同年也新野馬仲良

驗

有寄彭詩云春山春日好高枕



若為情窗戶白雲裏朝昏芳草生把書看鳥滅捲釣數魚行云

龔勗字克懋一字懋卿章邱人與濟南殷正甫李于鱗許殿卿為古文辭相友善華

鰲字空塵亦章邱人妙於繪事落筆輒題其上曰空塵詩畫人巧之畫輒瞪目不應

當其意得迥出筆墨蹊徑之外詩亦如之五言尤超詣題王仁甫十築云大隱不在

山出處乃適意送呂中甫山人云秋老留紅葉風輕轉白蘋宿惠上人院云愛此疎

林月兼之一磬清孤坐云雨霽聞啼鳥風停數落花過楊九山川上居云鑪頭留宿

火花徑閑秋雲人以擬浩然微雲疎雨之句鰲亦滄溟友予少見其集今無從購矣

鰲姓字亦見楊升菴集勗有寄滄溟絕句云瓜田十畝濟城東雲外青山小苑通流

水桃花迷處所幾家春樹暮煙中鰲睡起自述云槐午睡方熟息肩者稚子老妻撼

繩牀飯熟呼不起不能工磬折髮亂無人理我懶我自知不要旁人喜已上池

附錄此條中段勗年六十以歲貢任江都縣訓導咸宜教諭開平衛教授歸五

年卒所著有懋卿集太極圖解性命辨劉尚書白川稱為朱元晦功臣王伯安諍

云友番禺黎遂球美周蓮香閣集徐世溥巨源序以太白子瞻擬之推許過情要亦崇正

末一才士

琅邪王若之字湘客孤情絕照詩清真無啟正氣碧絕句云素宇流孤月清光照雁

聲似從千里外寄與故鄉明驢背肩似山笠下眼如海偶見漁樵人行歌互相待恰

遇青山白水忽來細雨斜風俗駕還多高寄便止宿于此中若言造物勞人那得伯  
師遮道清涼是大藥王一拂一濯甚好片時眼界澄清鼻觀與之俱省脫中解帶匡  
牀消受荷花百頃圖書簑笠載輕船雨風風去不停疑是煙波垂釣者居然呼吸  
有樵青三十寒香遠屋栽果然林下美人來狂夫自許非寥落眷屬妻孥總是梅聯  
句如風雨松堂集燈殘經不明風煙無市色時令屬山秋半將春事負始有故人來  
戶外惟羅雀牀間復鬥牛如何橫白雨忽已失青山雨餘春尚冷江上柳初眠正是  
春潮長還當暮雨時登高逢九日不速恰三人扁舟乘曉靈歸棹作浮家學語兒呼  
汲消閒婦鬥茶林端秋露滴草際候蟲鳴碧藻浮沉處白蓮三兩枝皆非凡語并錄  
漁洋詩話王若之字湘客益都人父基明戶部尚書若之以父任厯官河南參議性嗜古  
南渡避地姑孰圖書鼎彝之屬尚兼兩後死金陵若之風神清映如晉宋間人工詩  
及尺牘金陵見月云玉宇流孤月清光照雁聲似從千里外寄與故鄉明山中云驢  
背肩似山笠下眼如海時見漁樵人行歌互相待江行云圖書簑笠載輕船雨風  
風去不停疑是煙波垂釣者居然呼吸有樵青

喜李流芳長蘅詩穀城山曉青如黛滕縣花開白似銀予亦愛之康熙乙丑以  
祭告南海之役途出鄒滕憶前句賦一詩適門人戶部主事何炯貽予長蘅詩鈔本  
是詩在其中惜全篇不稱別有東阿道中一首云騰騰兀兀逐塵行忽似春山為解

醒高下欲隨人境繞逶迤偏覺馬蹄輕誰教柳色氈氈映不分梨花處處生愛煞穀  
城山下路風光况復是清明又滕縣道中云山欲開雲柳乍風杜梨花白小桃紅三  
年三月官橋路策蹇經過似夢中二首風調頗佳 已上居易錄 并錄一

漁洋穀城山好青如黛滕縣花開白似銀嘉定李長蘅流芳詩也余最喜之甲子使東

粵往返兩過滕縣不見一花賦詩云薛北滕南幾問津遠山如畫黛眉新唯餘底事  
堪悵悵不見花開白似銀長蘅畫學雲林亦是逸品門人陸生廷燦扶照近補刻嘉

定四君子集余為之序大抵程孟陽之詩婁子柔之文長蘅之畫足稱三絕

山陰陳洪綬以畫得名亦能詩有憶舊絕句云豐谿梅雨山樓醉三塢茶香佛火眠

清福不知今日憶神宗皇帝太平年 漁洋詩話 并錄一

池北陳洪綬以畫名予嘗見其小詩頗有致今錄於此楓谿梅雨山樓醉竹塢茶香

佛火眠清福不知今日憶神宗皇帝太平年

杜參政澂子濂別字澗村世濟南濱州人詩有奇氣類山陰徐渭陳允衡撰國雅取

君詩屢卷人以為定論

馬君長春字三如世為青之安邱人順治丙戌舉鄉試數因公車不以屑意治圃數

畝有古木數百章修竹千挺又植昌州海棠紅梨各一株於草堂之側布袍草履日

婆娑其間性嗜茶茶具必精好嘗蓄名茶客至論文輒自前點飲客以為樂蕭然欲

友陸鴻漸段礪之之流於千載之上與從弟澄皆以詩名康熙庚申君寄予五言詩一章予酷愛其語似孟東野亦賦五言寄之已上漁洋文

王庭字言遠嘉興人順治己丑進士初仕為廣州府知府歷官山西布政使廉介不苟所至以清惠稱罷官歸足跡不入城市常衣布袍行田間人不知其二品大僚也

年踰八十乃卒五言詩清真古澹有陶韋風與石湖邢昉相上下足稱逸品

韓昌字石耕北平人亂後遊江南遍歷台宕諸勝畱善鼓琴尤工五言詩有句云春

愁當二月酒渴起三更并錄一

漁洋詩話韓昌字石耕北平人徧遊吳越名勝客死平湖有句云春愁當二月酒渴起三

更

費密字此度成都人少遇逆獻之亂竄身西域已乃溯漢江下游吳楚居淮南老焉予曾見友人几上一卷偶取視之其首篇云大江流漢水孤艇接殘春詢之乃密作也遂賦詩與定交密跋一足著鹿峯集并錄一

漁洋詩話余在廣陵偶見成都費密字此度詩極擊節賦詩云成都跋道士萬里下峩岷虎

口身曾拔蠶叢句有神大江流漢水孤艇接殘春二句即密詩十字須千古胡為失此人

密遂來定交如平生懽

宗柝附識並齋述萬廬先生云歐陽文忠答杜正獻見贈詩有報國如乘願歸耕益買田之聯其後正獻已卒文忠復用前詩題其祠堂云門生今白首墓木已蒼

煙報國如乘願歸耕宜買田此言今始踐知不愧黃泉見蔡寬夫詩話余按此格  
昔人詩中僅見漁洋贈費密詩亦頗與此格相類又勇參云案元遺山淮右七律  
一五六全用韓偓細水浮花  
聯於結處標出山人蓋用其體也

劉吏部公戡仁體詩往往有風味嘗有寄友人絕句云西湖小閣多晴月好友同舟半

是僧寄語江南老桑苧秋山紫葳憶行滕公戡自編詩逸此予為口誦之公戡喜以

為予真能賞音也又公戡友人某素嗜琴歿數年矣公戡一日攜諸姬郊行過其墓

停車酌酒使諸姬於墓下各操一曲而去其標致如此并錄二

漁洋劉公戡常有絕句云西湖小閣多晴月好友同舟半是僧寄語江南老桑苧秋

山紫葳憶行滕自編其集遺之余舉似云如此作何以不錄公戡笑謝曰賴兄為我

作行秘書

居易公戡詩頗有奇句如云直溪東天色湍激橡林左峭刻極似孟東野語

同年子蒲州吳震字天章以博學宏詞薦在京師偶得漢銅印文曰河聲嶽色震家

蒲州中條山南永樂鎮臨大河對岸即華嶽三峯也更有詩云門前九曲崑崙水萬

點桃花尺半魚并錄三

居易天章贈所刻寒山子詩詩家每稱其鸚鵡花間弄琵琶月下彈長歌三月響短

舞萬人看謂有唐調其詩有工語有率語有莊語有諧語至云不煩鄭氏箋豈待毛

公解又似儒生語大抵佛語菩薩語也天章詩情高逸當世無輩素耽二氏之書有

出世之志子曾序其蓮洋詩又嘗誦其句于故友葉文敏詠菴云泉遶漢祠外雪明  
秦樹根濃雲溼西嶺春泥霑條桑至今堯峯上猶上堯時日凡數聯詠菴贊歎一日  
講筵罷先往訪之康熙己未以博學宏辭徵赴京師獨不掃門時相所居在中條山  
南永樂鎮即春秋魏畢萬所封古河中府河東縣也唐相李石李福李程兄弟及呂  
仙巖故里有五溪即李商隱所居

漁洋詩話蒲阪吳雯天章初至京師未知名余亟賞其詩謂為仙才一日待漏朝房誦其  
句於葉文敏詠菴方云泉繞漢祠外雪明秦樹根濃雲溼西嶺春泥霑條桑又門前  
九曲崑崙水千點桃花尺半魚葉大驚異下直即命駕往訪之吳詩名大噪都下所  
居永樂鎮即唐永樂縣有五谿李義山家於此

分甘話吳天章答人云自卜條南舊隱居明星玉女對攤書門前萬里崑崙水千點桃  
花尺半魚又至今堯峯上猶上堯時日又河聲過雷首雨氣下風陵

三原孫枝蔚老詩人也以年授官放還山初得正字賦詩云一官如寵鶴萬里本浮  
鷗獻賦曾非宴童年况異劉山人今上路小婦免登樓臨水看蝌蚪惟添錯字愁并  
池北孫豹人遊焦山中流風浪大作舟人失色孫長嘯詠詩云風起中流浪打船秦  
人失色海雲邊也知賦命元窮薄尚欲西歸太華眠孫三原人流寓江都

漁洋詩話孫豹人枝三原人居廣陵卓犖負奇氣一日游焦山中流遇風賦詩云風起中

流浪打船秦人失色海雲邊也知賦命元窮薄尚欲西歸太華眠

高念東侍郎珩以康熙戊申奉命祭告南岳在湖湘間有詩數百篇予喜其絕句

錄之如行人到武昌已作半途喜那識武昌南煙水五千里未入衡州郭先看衡州

城城門垂薜荔大抵似巴陵綠淨不可唾此語足千古天水澹相涵中有數聲櫓花

放不知名稻秀猶能長芳草隱清流但聽清流響兩岸層層嶂孤城面面山橫襟憑

一葉睥睨洞庭閒幾月舟行久今朝倦眼開千峯翔舞處一片大江來南岳雲中盡

東流海上忙他年圖畫裏著我在瀟湘芋火夜經聲悲喜寒巖寺宰相世間人何與

山僧事磨甗竟不成磨銅何不可寄語馬大師努力菴前坐高又有送人詩云故園

小圃又東風杏子櫻桃次第紅明日春明門外路清明消遣馬蹄中已上池北偶談

漁洋詩話高念東侍郎祭告南嶽詩多佳略其五言絕句數首於此行人到武昌已作半

塗喜那識武昌南煙水五千里兩岸層層嶂孤城面面山橫襟憑一葉睥睨洞庭閒

未入衡州郭先見衡州城城門垂薜荔大抵似巴陵綠淨不可唾此語足千古天水

澹相涵中有數聲櫓花放不知名稻秀猶能長芳草隱清流但聽清流響幾月舟行

久今朝倦眼開萬峯飛舞處一片大江來南嶽雲中盡東流海上忙他年圖畫裏著

我在瀟湘

全上高念東少宰珩都門清明送客云故園小圃又東風杏子櫻桃次第紅明日春

明門外路清明消遣馬蹄中

鬻尾續文高公葱佩別字念東歸田坐卧一小閣不接賓客几上惟梵夾旁行金剛淨名

數卷外不復觀他書常和寒山子詩以見意公為詩如麻姑擲米粒粒皆成丹砂然

不自愛惜緣手輒散去

鄔陵梁哲次緝曰先生長齋繡佛於三藏十二部之書無不研究而於楞嚴尤了悟初

因證果大旨每過其居邱繩牀藥竈外惟經論數卷雖身為宰官居然老爛頭陀也

於詩嗜陶淵明少得句云明月生東隅清輝照北牀長老驚異成進士出知西安之

咸宜入為雲南道監察御史謝病歸高侍郎念東贈詩云燕臺襍被親相送一箇嵩

邱行脚僧益紀實云鬻尾文

薦福寺即唐勝容院也有小鴈塔塔門石榴有明宏正間王雲鳳蔡天祐段吳安磐

王謳等題名書甚工左壁有康乃心題秦莊襄王墓絕句云園廟衣冠此內藏野花

歲歲上陵香邯鄲鼓瑟應如舊贏得佳兒畢六王賞詠久之龔節孫勝玉為言康字太

乙郃陽名士長安語曰關中二李不如一康鬻尾續文亦見秦蜀驛程後記并錄二

漁洋詩話余以戶部侍郎祭告西嶽游慈恩寺見塔上有二絕句題秦莊襄王墓園廟衣冠此內

藏野花歲歲上陵香邯鄲鼓瑟應如舊贏得佳兒畢六王問知為郃陽康乃心太乙

所作亟稱之翼日詩名徧長安而康不知也康以此得重名學使陸儼庭德元拔之充



貢賦是科以第五人冠其經

居易錄

邵陽民康乃心奉新城老先生閣下往二十年前曾於朋好處讀先生近體數

首玉振金聲仰止深切而以雲泥異勢請教無由歲月蹉跎不學面牆老作咸陽布衣亦復何恨不意前秋偶客長安雁塔雅塗謬為海內大君子所見賞爾時伏首山谷一字弗知竟未獲負笈追隨久之友人有書來具言始末而拙句遍傳都人士口矣秋中應試青門敏之上人始諄諄為語乃知楓落吳江流播信不虛也私念老先生海嶽宗工握風雅之權者已數十年十五國內外高士鴻文光燄萬丈收之囊中為龍為鳳亦復何限奚取於窮鄉僻壤貧賤落拓孤陋寡聞庸庸鹿鹿之一老儒下士乎古人云天下有一知己可以不恨此言誠非敢居然當吾世而不能相知後世誰實相知定吾文者悲夫又何其言之痛也徘徊於中已將經歲乃敢忘其愚賤奉上一函庶人之分引嫌固宜然載四行于非名非利無請無託或亦斯文未喪吾道猶存風雨晦明亮為先生所不棄絕也舊刻數紙自慚庸陋前有千古後有萬年得失之故知在寸心倘邀靈渙岱蒙先生進而辱訓之真所云饑十日得太牢也先曾王父舊仕犁邱家有遺文在故篋中似為太先生大司馬公所贈者敬書一通奉覽臨啟悚慄伏惟鑒在右康生字太乙邵陽人子丙子以祭告西嶽至長安偶遊薦福寺小雁塔見塔上題詩三首記其一

題秦莊襄王墓

云原廟衣冠此內藏野花歲歲上陵香

邯鄲鼓瑟應如舊贏得佳兒畢六王極賞其佳從遊門人武進龔勝玉節孫曰康邵陽名士也秦人語曰關中二李不如一康會予匆匆入蜀未及物色之已歸而灞渭水漲阻西安兩日水落遂行至京師時道其詩于公卿交游陸郎中儼庭往提調陝西學政為言關中知名無踰李二曲顯及康生者明年七月康以書及所著莘野集來偶筆於此知文章有神交有道少陵不誣也

取道褒城縣宿宗姪安官署齋壁有故友趙湛秋水詩略云太行九千仞石磴盤雲間雪壓鴈門塞冰齊熊耳山歎其超詣秋水永年人申處士鳧盟光涵友也康熙壬戌訪予邸舍與談鳧盟遺事感贈一詩初秋水至燕平生故人無在者後生目笑之意不自聊既而予召之飲酒賦詩人始知其耆舊明日訪之者相望於道也蓋秋水自述於予門人申頰者如此今秋水觀化又十年矣誦其詩因感往事書之秦蜀驛程後記

帶經堂詩話卷十

帶經堂詩話

卷十 指數上

十三 掃葉山房石印